

सानसेयारि **“बड’सा”** खौरांलाइयाव
अमजयारि जिज्जो लोब्बा थानाय रायथाय, अन्थाय,
अल, अलबाथा आरो दावबायारि थावनि, पाके
बाइदिनि आयाव लिखनाय लिखिबां दैथाय हर।
सानसेयारि **“बड’सा”** खौरांलाइया सेबखानाबि
फोसावगोन।
बड’सायाव लिखनायबि हुबा खालाम,
“बड’सा” खौरांलाइया, जो बयबो आंगो खालाम।
सानसेयारि बड’सा मावखुलि
माइबं नोगार, जोहोलाव दैमालु लामा
कक्राझार, बिटिस-783370
Website: www.bodosanewspaper.com

सानसेयारि बड’सा



BODOSA ★ A Bodo News Daily ★ Sunday ★ 4 October, 2020 Kokrajhar, BTC, Assam ★ Vol.- 30, Issue No. 190 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

इउनिफाइड कमान्ड रैखाथि हान्जाजों गिबि मन्थिनि सावराय मेल

दिसपुर, 3 अक्ट’बर: आसामनि गिबि मन्थि सर्बानन्द सनवालआ दिने गुवाहाटीयाव थानाय आसाम एडमिनेस्ट्रेटिभ स्टाफ कलेजआव इउनिफाइड कमान्ड रैखाथि हान्जाजों राइज्योनि सोलिफु आइन आरो आबुथिखौ लानानै मोनसे गोनांथार सावराय मेल खुंनय जादों। बे मेलआव आसामनि आइन आरो आबुथिखौ सामलायनानै गोजोन थासारि लाबोनायनि थाखाय इउनिफाइड कमान्डनि गोनांथिनि सायाव माखासे थिरांथा लानाय जायो। मेलखौ सामलायनानै गिबि मन्थि



सनवालआ बुडोदि, इउनिफाइड कमान्ड रैखाथि दाथायनि आवथायवो इन्डियन मिलिटरी आरो पारा-मिलिटरी फर्सआ राइज्योनि रैखाथि एजेन्सिफोरजों खाथि सोमोन्दो लाखिनानै खामानि मावबोदों आरो आसामाव गोजोन थासारि लाखिनायाव मोनसे गोनांथार बिफाव लाबोदों। फैबाय थानाय समफोरावबो बे रोखोम खौसेयै खामानि मावनानै राइज्योआव गोजोन थासारि लाखिनो आरो आइन-आबुथिखौ दिदोमै सामलायलानो हागोनखौ (□ 5 बिलाइआव)

गाहाय मन्थि नरेन्द्र मदिआ मुलुगनि बयनिखुइबो लावसिन अटल सुरंग लामाखौ बेखेवबाय



गोदान दिल्ली, 3 अक्ट’बर: गाहाय मन्थि नरेन्द्र मदिआ शनिबारखालि रहतांआव मुलुगनि गोलावसिन हा सिनि एबा सुरंग लामाखौ गावनि आखाइजों बेखेवनानै होबाय। खमैबो 10,000 फुट गोजौआव बानायनय बे सुरंग लामाया मुलुगनि लावसिन लामा एबा टानेल। बे लामानि गोलावआ 9.2 कि:मि:। बे लामाखौ आबुडै बानायकुनायाव 10 बोसोर सम लादों। बे लामाखौ हिमालयनि पिर पंजाल पर्वट रेन्जआव थानाय रहतांनि खाथिनि गाहायाव लेह-मनाली हाइवेआव (□ 5 बिलाइआव)

बकाखातयाव गं 100 बिसिना थानाय फाहामसालिखौ बेखेवदों मन्थि शर्माया



बकाखात, 3 अक्ट’बर: आसाम सरकारनि देहा बिफाननि मन्थि हिमन्त विश्व शर्माया दिने बकाखातनि गोदाने लुफुनाय गं 100 बिसिना थानाय देहाफाहामसालिखौ हाबाफारि बायदिये गोजोनै बेखेवना होयो। बे हाबाफारिनि लोब्बायै खुंनय जरखा (□ 5 बिलाइआव)

सिरिमारियाव इउपिपिएलनि बिसायख थि मेल (राइजो-राजानि दुलाराइ जौगानायनि थाखाय इउपिपिएल सरकारनि जोबोद गोनांथि)



उदालगुरि, 3 अक्ट’बर: 4 थि बिसायख थिखौ मिरु खालामनानै बिटिआर ओन्सोलाव थानाय समनि खुंथाय हान्जा बिपिएफ आरो बिजेपि हान्जानि गाहाय बेरखा राजखान्थि हान्जा इउपिपिएलआ दासान्दि फारियै बिसायख थि फोसावदिनाय आरो मेल-मिथि खुंनयखौ सोलिहोबाय थानाय नुनो मोन्दो। दिने उदालगुरि जिल्लानि बिटिसिनि भेरगाव परिषद बियाबनि सिरिमारियाव इउपिपिएल हान्जानि बिजाथि दाजबैसा बर नि हेफाजाबाव मोनसे बिसायख थि (□ 5 बिलाइआव)

सनितपुर जिल्लानि बारग’ एनडिएफबि क-अर्डिनेसन कमिटिआ जोनोम सान फालिदों



हेकियाजुलि, 3 अक्ट’बर: दिने एनडिएफबिनि जोनोम सान फालिनायजों लोगोसे आलादा राइज्यो बड’लेण्ड आरो बर’ हारिनि उदासि दावहायाव गावसिनि बेसेन गोसा जिउखौ बाउसोमनाय बर’ जोहोलाव-जोहोलावजोफोरखौ (□ 5 बिलाइआव)

थावैनो हमजागोन एसआइ आन्जाद गेनाखान्थिनि गाहाय दायनिगिरिया: जि.पि.सिं

गुवाहाटी, 3 अक्ट’बर: थानाय वावैसो साननि गेजेराव दुलाराइ आसामनि गेजेरावो खुंनय आसाम पुलिसिनि एसआइ आन्जादनि सोंथि बिलाइआ बायजोयाव ओंखारनाय बेले-बेजे गेनाखान्थि जाथायजों लोब्बा थानाय गासै दायनिगिरिखौ सासेनि उनाव गुबुन सासेयै हमनो हानायनि उनाव बे जाथायनि गाहाय (□ 5 बिलाइआव)



बर’ कसारि अन्साय गावखुंथाय गौथुम दानायाव बिपिएफआ फोथायखेबस’ खालामदों: इउबिपिअ

मार्चेरिटा, 3 अक्ट’बर: बिथांखि लाजानाय बर’ कसारि अन्साय गावखुंथाय गौथुम दाफुनायनि बागै जरखायै सावरायनाय आरो बे बिथिडाव सरासनस्त्रा राइजो-राजाफोरनि गेजेराव सांग्रांथिखौ बांहोनायनि थांखिजों खौसेथि बर’ सुबुं आफादिनि तिनिसुकिया (□ 5 बिलाइआव)



पुजा कमिटिफोरनिसिम खुंथायनि गोदान बिथोन

गसाइगाव, 3 अक्ट’बर: कभिड-19 नि गिथावनायै साग्लोबसारनायनि समावो फेगौ समनि गेजेराव जोंगा-मागायै खुंफुनो लानाय बिमा दुर्गा देबोनि (□ 5 बिलाइआव)

आसामाव कभिड-19 जों गुबुन सा 14 सुबुंनि जिउ ख’हा



गुवाहाटी, 3 अक्ट’बर: सा-सान्जा राइजोफोरनि गेजेराव दासान्दि आसामआवबो कभिड-19 महामारिनि गिथावनायै गोहोम गोलैनायाव दासिम गोबां सुबुंफेय (□ 5 बिलाइआव)

गसाइगावआव पद्मश्री प्रतिमा बरुवा पान्डेनि 86 थि बोसोरारि जोनोम सान फालिदों



गसाइगाव, 3 अक्ट’बर: गसाइगाव कच राजबंशि काल्सारे ल ससाइटिनि बान्जायनायाव दिने गसाइगावआव पद्मश्री प्रतिमा बरुवा पान्डेनि 86 थि बोसोरारि जोनोम सानखौ थेलेव-लेव हाबाफारिनि गेजेराजों फालियो। हाबाफारि बादियै (□ 5 बिलाइआव)

हाग्रामानि गोख्रों बिबुंथि: आन्दोयाव बिजेपि आरो इउपिपिएलनि गेजेराव बुजा-बुजि दं



कक्राझार, 3 अक्ट’बर: बिटिसिनि 4 थि बिसायख थिथिया महामारि कभिड-19 नि जाहोनाव दिन्दानानै थानायनि जाहोनाव दासिम बिटिसियाव राइज्यो बेंगिरिनि खुंथाया सोलिगासिनो दं। बिटिसियाव बिसायख थिथिखौ थावैनो खुंनगो आरो राइज्यो बेंगिरिनि खुंथायखौ फेगौ 27 अक्ट’बरनिफ्राय बोखानांगोनि (□ 5 बिलाइआव)

दावबायारिफोरनि थाखाय मानास माहारियारि पार्कनि दर्जाया बेखेवजाफिनबाय

मानास, 3 अक्ट’बर: आसामनि गेजेराव थानाय मुंदांखा मानास नेसेनेल पार्कखौ बोसोरफ्रोमबो दैज्ला बोथोरनि समाव दावबायारिफोरनि थाखाय बन्द खालामनाय जायो। देग्लायबो थानाय दानथामसो सिगांनिफ्रायनो दावबायारिफोरनि थाखाय बे माहारियारि पार्कनि दर्जाया बन्द



जानानै दडमोन। नाथाय दैज्ला बोथोरा बारग’लानायनि उनाव दावबायारिफोरनि थाखाय बे माहारियारि पार्कनि दर्जाखौ बेखेवफिनबाय। कन्जाभेंटर अफ फरेस्टनि प्रिन्सिपाल सिफ आरो फरेस्ट फर्सनि गाहाय एएम सिंआ शुक्रबारखालि दावबायारिफोरनि (□ 5 बिलाइआव)

आसाम ट्रेन्सपर्ट गौथुमआ 5 अक्ट’बरनिफ्राय सिमा गैथै साखा बन्द फोसावदों

गुवाहाटी, 3 अक्ट’बर: गिखंथाव कभिड-19 नि मुलुगनाय साग्लोबनायनि जाहोनाव गुबुन हादरफोरजों लोगोसे भारतनि गेजेराव थानाय गुबुन गुबुन दारिमिन, कम्पानो आरो फालांगि बिथिडाव रांखान्थि लोरबां जानायबादिनो हान्था-मैला (□ 5 बिलाइआव)



सालबारि बियाबआव इउपिपिएलनि मेलाव फावखुंगुर फैला

(सुबुंफोरा सोलायनाय लुबैनानै इउपिपिएलखौ सरकार दानायाव आबुं हेफाजाब होगोन: बिनद)



भबानिपुर, 3 अक्ट’बर: बिटिसिनि बारग’ गाहाय खुंगिरि आरो बिपिएफ हान्जानि आफादिगिरि हाग्रामा महिलारिनि दैदेनायाव बिपिएफ हान्जानि दैदेनगिरिफोरा थानाय 17 बोसोर नाडै बिटिसिआव मोनफ्रोमबो हारि-हारिसानि राइजो-राजाफोरखौ (□ 5 बिलाइआव)

बिपिएफनि बिजाथि सायखं बसुमतारिनि देहा बेंग्राखौ बोखानायाव खुद्रिखादों



बासुगाव, 3 अक्ट’बर: बिटिसि ओन्सोलाव राइज्यो बेंगिरिनि खुंथाया सोलिबाय थानाय समनि गेजेरावो मैया 13 नं चिरां बियाबनि बिपिएफ हान्जानि बिजाथि आरो बिटिआर गोरोबथानि गुबुन सासे सागान होगिरि सायखं बसुमतारि एबा एनडिएफबिनि (□ 2 बिलाइआव)

आसाम-बंग’ सिमायाव मैदेरनि उतरखार



कचुगाव, 3 अक्ट’बर: कक्राझार जिल्लानि आसाम-बंग’ सिमाजों नांजावनाय ओन्सोलाव हाग्रानि मैदेरनि उतरखार थागिबि सुबुंफोरनि गेजेराव गोजोनाय गैथै थासारि सोमजिदों। सुलुंनि बायदिल्वा जिल्लानि गसाइगाव महकुमानि सिडाव थानाय (□ 5 बिलाइआव)

सुजुगिरिनि खोलोम

बर' आइजोनि दानाय लुनायखौ थुलुगां होनायनि गोनांथि

बुंस हायै समनिप्रयनो गामिआव राइजो जाग्रा सुबुंफरा दानाय लुनायखौ गोनां आरिमु महरै गोबाना लाबोदों। बर' माहारिनि गेजेराव बाश्रा फंसे दइ 'जाय हिन्जावा दानाय लुनायाव आखाय गेया बे हिन्जाव सिखाखौ रावबो हाबा खालामा'। बाश्राया नंखाय नइ। गामिआव नखरफ्रोमबो साल-गान्दौं समायना इसानसाली थानायमोन। मेसें बोथोर सौंफेनाय लोगो लोगो नखर नखर सि सोनाय, नो-खन्नाय, बिनि उनाव गान्दौं खनुदुखौ फाना सालाव दानाय। गामिआव हाबहैब्लानो नखर नखर खालथां, खालथां, माखु गाबनाय सोदोब खोनानो मोननायमोन। आथिखालाव नाथाय गामिप्रव हाबहैब्लाना माखु गाबनायखौ बारा खोनानो मोनलिया। मानि जाहोनाव गामिनि आइजोप्र सि दानायखौ नागानो हमखो, बेखोबो गोथोथै साननो गोनां जाबाय। गोदोफेर खनुदुखौ गाव गावनो बाइदि रोखोम मुवाजो गोमो, गोथां गोजा, गोमो दाउदौं बाइदि रोखोम मुवाजो बाइदि बाइदि गाव गाना सि दानायमोन। दानिया नाथाय, हाथायाव मोननाय गोजा गोथां गोमो बाइदि रोखोम गाबनि खनुदु बायना दखना, जोमग्रा सिमा, बाइदि बाइदि रोखोमनि सि दबाय।

गोदो गामि गामि इन्दि बिफांनि बागान खालामना एमफ्रै फिनानै फियोबिप्रय इन्दि, खनुदु दिहना इन्दि सि दानायमोन। नखरव जोमनो दोनानैबो गुबुनोबो फनहरोमोन। इन्दि सिनि बेसेनआ गोदोनिखुइ आथिखालाव गोबां जसिनबाय। गोबां रोखोमनि इन्दि सि दाना दिहना हाब्ला बेनिप्रयबो गोबां रं मोनो हायो। बेजोनों नखरनि गथ गथायनो लेखा-बायनो गाननाय जोमनायखौबो ज'गार खालामनो हायो। आथिखालनि सुबुंफरा नाथाय इन्दि सिखौ जोमाबलानो हाथायाव मोननाय मनिपुरि जोमग्रा, काश्मीरि साल बाइदि बाइदि सि फेरखोसो बायना जोमसै।

सिनि फल्लांगि खालामनो माखासे आइजोप्र दाउगाबोनायखौ नुनो मोनदों। आइजोफेरनि दानाय लुनायनि आफ्रदफेर दाना लानायखौ नुनो मोनदोंसै। बे रोखोमनि उइभिं सेटयव दखना जोमग्रा बाइदि बाइदि सि दाना हाथाय बाजायव फननोबो लाबाय। गामिनि सिखाप्रनो बे उइभिं सेटयव जानो आन्थाल 'रं लाना दानाय लुनाय हाबाखौ मावनो हमबाय। नाथाय बेजो उइभिंनि सोदोमाप्र बेसे बां मुलाम्प दैखानो हादों बेबो मोनसे साननो गोनां। नुनो मोननाय बाइदियेब्ला उइभिंनिप्रय दिहनाजानाय सि-जोमखौ फननायनि थाखाय नागोमानि गुवार रोखोमनि हाथाय गेया। नागो रोखोमनि गुवार हाथाय गेयाब्ला उइभिंनि थांना थांनागोआ गोब्राव। हादोरनि बायहाअवबो बे रोखोमनि हाथाय थांनागोन।

जैरिख जाया, माहारिनि हारिमु आरो आरिमुखौ फोथाना लाखिनायनि लामाखौबो लानागोन। बि.टि.सि. हालामनि बर' आइजोप्र गोदो गोदोयनिप्रय सोलिबोनाय दानाय लुनायनि आखुखौ फोथाना लाखिनागोन। बिटिसिनि दैदनिगिरिफराबो गामिफोरनि आइजोफेरखौ थुलुगां होनायै खाथिना जाग्रा सुबुंफोरनो गानग्रा दखना गांसेनि खनुदु खिनिखौ जगायना सोरकार होनो हानागोन। आथिखालनि गामिफोरनि सुबुंफोरनि हाल-साला गहाम नलिया। जानाय लौनायखौनो जगायनो हाथायब्ला गाननाय जोमनायखौ मात्रे जगायनो हानो? जैरिख जाया थांनानै थानायनि राहाखौ बिटिसिनि दैदनिगिरिफरा गामिनि सुबुंफोरनो होनागोन। बिनि लोगो लोगो माहारिनि हारिमु आरो आरिमुखौबो फोथानानै लाखिनागोन।

दिनेनि फानजामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेघ: सुधुरआ जोबनाय नइ। जेनाफ्राव गोलेनो हागौ। फारफ्रोमथिबो नोजेर होनाया मोजां।

वृष: जैरेबो सुखु-गोजेनै थानो हागोन। फारफ्रोमथिबो जोगानाय फेगोन। गोसोखौ गोजोन मोनगोन।

मिथुन: नख'र संसारनि थाखाय आर'ज गाबयोब्ला मोजां फिथाय मोनगोन। मोजां दिन।

कर्कट: बायदिसिना जाहोननि थाखाय गोजोनै दिनखौ बारग' होनो हानाय नइ। गोसोखौ लोरबां दाखालाम।

सिंह: नख'रनि मोजां हाबा मावनानै लानो हागोन। जोगानाय फेनो हागौ। गोथार सान।

कन्या: फारफ्रोमथिबो मोजां माबाफेर मावनगौ दंब्ला मावनो हागोन। मुलाम्फा मोनगोन। गोथार सान।

तुला: बायदिसिना जेनानि थाखाय गोसोखौ सान्थि मोननाय नइ। धैज्य हमनानै थानाया मोजां।

वृश्चिक: माबाफेर खहा जानो हागौ। मोनफ्रोमबो खामानियाव सानै-हयै मावनाया मोजां।

धनु: बेपार-फालांगि मावोब्ला मुलाम्फा मोनगोन। सम आरो बोथोरखौ ओरिनो दाहगार। मोजां सान।

मकर: माबा मोनसे मोजां हाबा मावनानै मुंदांखा जानो हागोन। गोसोखौ गोजेननाय मोनगोन।

कुम्भ: देहायाव जोखोम जानो हागौ। फारफ्रोमथिबो सांघां जानानै आगान सुरनाया मोजां।

मीन: बायदिसिना सान्नायफ्रा जिंगा सोमजि होनो हागौ। गोसोखौ लोरबां दाखालाम।

भारतआव गिबियै थैनायनि 204 सान उनाव करनानि केसआ से लाख जादों

गोदान दिल्ली, 3 अक्ट'बर : करनजों थैनाया भारतआव 2 अक्ट'बरसिमाव 1 लाख बारलाडे। आमेरिका आरो ब्राजिलनि उनाव बयनिखुइबो बांसिन करनजों थैनाय थामथि हादतआ जाबाय भारत। बेयाव करनजों गिबियै थैनाय साननिफ्राय लानानै गासै 204 साननि उनाव थैनायनि अन्जिमाया से लाख सौहेदों। फार्सेथिं ब्राजिलआव 158 सानआव आरो आमेरिकाआव 83 सान आवनो से लाख सिम सौहेदों मोन। भारतआव गिबिसिन करना केसखौ 30 जानुवारीयाव केरे लायाव मोन्दों मोन। चीननि बुहाननिफ्राय फेनाय सासे फरायसालियाव करनानि लोखोनखौ नुनो मोन्दों मोन। नाथाय 12 मार्चआव कर्नाटकनि कलबुर्गीआव 76 बोसोर बैसोनि सुबुंआ गिबियै करनजों जिउ गोमादों मोन। बियो सौदि आरबनिफ्राय फेनायमोन। जेब्ला भारतआव करनजों गिबियै थैदों मोन बे समाव हादतनाडे गासै 75 के सआल 'नुजादों मोन। आथिखालाव हादतआव करनजों थैनायनि हारआ 2 जोखोन्दों। गिबियै थैनायनि 48 सानफोरनि उनाव थैनायफोरनि अन्जिमाया 1000 सिम सौहेदों मोन। फार्सेथिं 78 सानफोराव थैनाय अन्जिमाया 10 गुन बांना 10 रोजा जाहैदों आरो फिन 31 सानआव थैनाय



अन्जिमाया 50 रोजा बारलादों। बेनि उनाव 48 सानआव बे अन्जिमाया से लाखसिम सौहेदों मोन। मुलुगनाडे दासिमआव 3 कौटि 46

लाखनि बांसिन करना केस मोनखांबाय आरो 10 लाखनि बांसिन थैबाय। मुलुगनाडे बांसिनै करनजों थैनाय टप 10 हादतफोरा फारियै आमेरिका, ब्राजिल, भारत, मेक्सिक, इउके, इटाली, पेरु, फ्रान्स, स्पेइन आरो इरान। फार्सेथिं कबिड-19 भेक्सिननि गोहोम गोनां हाबाफारिनि सायाव जिंगाया

बांबोबाय थादों। गोबां कम्पानीफोरा भेक्सिन दिहनुनो नांथाबगासिनो। मडार्न आरो फाइजर कम्पानीनि आन्जाद नायनायाव गोबां बादायारिफोरनियाव गोबां लोमजानाय, मोदोम सानाय, खर' सानाय आरो मनाय मोननाय बायदि जेना सिखादों। अदेबानि जरखाफोरनि बुनाय बादिब्ला, आन्जाद नायनायाव बेफोरो सरासन्ना बाश्रा, बेयाव जेना बायानयनि जेबो बाश्रा गेया। भारतआव करना भेक्सिननि आन्जाद नायनायनि सोमोन्दै भारतआ जेबो बाश्रा फोरमायाखै।

कालामाटि फरेस्ट रेसनिफ्राय खावनानै लांनाय हाथियारखौ बोखांफिननो हाबाय

तेजपुर, 3 अक्ट'बर: तेजपुर पुलिस, आसाम फरेस्ट फ्रटेकसन फर्स, 30 नं सिआरिपएफ आरो एआइएसएफ हान्जाया जुथायै अपारेसन खालामनायनि गेजेरजों सनाइ-रुपाइ वाइल्ड लाइभ सेंस्युरिनिफ्राय दोनखुमानाय गंनै राइफलजों लोगोसे गोथां गुलिखौ बोखांनो हाफिनबाय। आसाम पुलिसनि बिबानगिरि नुमल माहात, डिएसपि रसमि रेखा शर्मा, कालामाटि फरेस्ट



रेन्जनि अफिसार बिभुति मजुमदार मिसामारि पुलिस थानानि एसआइ जयशंकर औवारिनि दैदेननायाव सनाइ-रुपाइ वाइल्ड लाइभ सेंस्युरिनि हाग्रायाव दोनखुमानाय हाथियारखौ बोखांनो हायो। मख'नो गोनांदि, सोलिफु बोसोरनि थांनाय 24 सेप्टेम्बरखालि कालामाटि फरेस्ट रेन्ज मावख'नि सिनिफ्राय माखासे सिनाय मोनै दुथांफोरा हाथियारजों लोगोसे गुलिखौ खावनानै लांदों मोन। बेनि उनाव मिसामारि पुलिस थानायाव हाग्रा मावख'आ मोनसे गसर थिसन्नायनि लोगो लोगो संदानाय हाबाफारिखौ जागयो। जुथायै संदानायनि गेजेरजों मावख'निफ्राय खावनानै लांनाय हाथियारखौ बोखांनो हानायजों लोगोसे बे जाथायाव लोब्बा थानाय सानै हाग्रा मावफारि बिश्वजित रय आरो प्रमद नाथखौ खानाय जायो।

सिक्किमआव हा गिसिखानायजों सा 5 सुबुंफोरा जोखोम, गंनै न'आ सिलिंखार

गंतक, 3 अक्ट'बर: सा सान्जा राइज्योफोरनि थाखाय बोसोरै अखा हानायनि समाव हा गिसिखानाया मोनसे गिदित जेना महरै नुजाथिबोदों। बेबायदिनो दासान्दि अखा हाबाय थानायनि जाहोनाव सोनाब सिक्किम ओन्सोलाव हरखाब हा गिसिखानायाव सा 3 सुबुंफोरा गोब्राव जोखोम जानायनि अनगायैबो दासिम सानै सुबुंफोरा गोमानानै दं। लोगोसे हा गिसिखानायजों गंनै न'आ सिलिंखार जादों होनानै जायगानि सुलुनिफ्राय मिथिनाय जादों। मैया बे हा गिसिखानाय जाथाया सोनाब सिक्किमनि रिसेंपक बियाबनि सिडव थानाय 1 नं धुम ताफाल, 31 नं सामदं श्रीभादाम ओन्सोलाव नुजाथिदों मोन। हरखाब हा गिसिखानायनि जाहोनाव रंसारि शांस' लेपचा आरो बिनि फिसाज्ला डुकनेम लेपचानि गंनै न'आ खहा जायो। बेजों लोगोसे मात्रे मोसोफोरा हा गिसिखानायजों खोबसिन जानायाव जिउ खहा जादों होनानैबो मिथिदों। फारसेथिं हा गिसिखानायाव गोब्राव जोखोम मोननाय सा 3 सुबुंफोरनि मुखौ



डुकनेम लेपचा (31) बिनि बिसि लेकिट लेपचा (28) आरो बिनि 10 बोसोर बैसोनि फिसाजो समडेन लेपचा होनानै मिथिनाय जादों। बिसोर लेपचा (60) आ दासिम हा साथामखौ जिल्लानि नामसि

मुनि देहा फाहामसालियाव गोखे थिसन्नाय जायो। बेनि अनगायैबो गुबुन सानै पमकिट लेपचा (64) आरो नर्मिट लेपचा (60) आ दासिम हा गिसिखानायाव गोमानानै दं।

दासान्दि बिसोर सानैखौ बोखांनो थाखाय हा गिसिखानाय ओन्सोलाव रैखाथि होनाय हाबाया सोलिगासिनो दं होनानै जायगानि सुलुडा फोरमायदों।

अराडव बिटिआर गोरोबथाखौ मावफुंनयनि हेंथायै अबर' सुरक्षा समितिआ हेंथा सोमावसारदों



अरं, 3 अक्ट'बर: अराडव 15 नं माहारियारि राजा लामाखौ होबथानानै अबर' सुरक्षा समितिआ बिटिआर गोरोबथानि दफाखौ मावफुंनयनि हेंथायै सोमावसारदों।

सोमावसारनायनि गेजेरजों अबर' सुरक्षा समितिआ बिटिसि ओन्सोलनि राइजो-रजाफोरखौ खोमसियाव दोनानै गोरोबथा खालामनायनि अजद दिखादों। गासै 22 लाख अबर' राइजो-

राजाफेर बे बिटिआर गोरोबथाखौ जेब्लाबो गानायनानै लाया होनानै फोसावदों अबर' सुरक्षा समितिआ। बे हेंथा सोमावसारनाय हाबाफारियाव गन' सुरक्षा पार्टिनि नेहाथारि भास्कर कलितायाबो बाहागो लादों मोन। समितिनि लामा होबथानायनि जाहोनाव माहारियारि राजा लामायाव माखासे सम थांलाइ-फेन्नाय खालामनाय गारि-मथरफोर थारथानानै थानो गोनां जानायाव दावबायारिफोरा जेनाजों मोगा-मोगि जानादों मोन।

लक्षिमपुर जिल्ला जोबथेसालिनिफ्राय सा 4 कयदिआ खारखुमादों

लक्षिमपुर, 3 अक्ट'बर: लक्षिमपुर जिल्ला जोबथेसालिनिफ्राय सा 4 कयदिफोरा खारखुमानायनि मोनसे सोमोनांथाव जाथाया नुजाथिदों। शुक्र बारखालि हरआव खोमसिनि खाबु लानानै लक्षिमपुर जिल्ला जोबथेसालिनि दरजा सिंखावनानै कयदिफोरा खारखुमालांनो हादों होनानै मिथिनाय जादों। सुलुनि बायदिब्ला सा 4 कयदिफोरा गावसोरखौ दोननाय खथानि दरजाखौ सिंखावनानै जोबथेसालिनि लांगोनानिफ्राय खोमसिनि खाबु लानानै खारलानो हायो।



बिसोरनि गेजेराव लकनाथ पेगुखौ जिनाहारि खालामनाय जाथायाव हमनानै जोबथेसालियाव सोनानै दोननाय जादों मोन। गुबुन फारसेथिं सा 3 कयदिफोरा गारि खावनाय जाथायाव लोब्बा थानायनि थाखाय बिसोरखौ हमनानै जोबथेसालियाव

सोनाय जादों मोन। दासान्दि लक्षिमपुर पुलिसआ जोबथेसालिनिफ्राय खारग'लांनाय कयदिफोरखौ गोखों राहानि गेजेरजों नागिरनाय एबा संदानाया सोलिगासिनो दं होनानै सुलुनिफ्राय मिथिनाय जादों।

बिपिएफनि बिजाथि सायखं बसुमतारिनि देहा बेंग्राखौ बोखांनयाव खुद्रिखादों

(1 बिलाइनिफ्राय) बारा' आफादिगिरि बि. सावरायगोरानि देहा बेंग्रा (पिएसअ) खौ हरखाब बोखांनो लांनयनि थांखिखौ बियाबआव गोखों रावजों सावरायनानै खुद्रिखांनय फोरमायदों। दिनें बामुनगावनि साखाथियाव थानाय दांसिमारिनि गावनि न'याव खुंनय मोनसे खौरंगिरिनि मेलजों 13 नं चिरं बियाबनि बिजाथि सायखं बसुमतारिया गावनि देहा बेंग्राखौ बोखांनो लांनयखौ दुखुनांथाव होनानै फोरमायनायजों लोगोसे बेयो मोनसे राजखास्थिनि फाव फान्दायनाय दं होनानै अजद खालामबावना बुडोदि, देहा बेंग्रा रैखाथिखौ बोखांनो लांनयनि उनिफ्रायनो आं गावखौनो रैखाथि गैयै बायदि सान्ना लादों। मानो देहा बेंग्रा रैखाथिखौ बोखांनो लांदों होनानै थांजों खालामनाय सौंथिनि फिननायाव सायखं बसुमतारिया बुंदोंदि, देहा बेंग्रा रैखाथि बोखांनय बिथिडव सरकार आरो खुंथानिफ्राय जेबो रोखोमनि सिगांग्रो मिथिसार बिलाइ दैथायहगलासे हरखाब देहा बेंग्राखौ बोखांनो लांनय माव थांखिआ मोनसे जिंगासिथावना आरो बे बिथिडव आं गावखौनो रैखाथि गैयै मोन्दों होनानै बुडे। खौरंगिरि मेलव बिथाडा फोरमायनाय बायदिब्ला एबिआइ मनज कुमार गयारिनि दैदेननायाव पुलिस हान्जानि देहा बेंग्रा रैखाथिखौ बोखांनानै लांनयनि जाहोननि सायाव सौंथि खालामनायाव कक्राझार उफ्रा पुलिस बिबानगिरिनि बिथोन बायदियै देहा बेंग्रा रैखाथिखौ बोखांनय जादों होनानै मोनसे गुफुर लेखा बिलाइयाव लिरनाय आर'ज बिलाइखौ गथायनानै थादों। गावनि देहा बेंग्रा पिएसअखौ मा जाहोननि थाखाय बोखांनो लादों बेनि सायाव जेबो मिथियाखै होनानै खौरंगिरि मेलव बिजाथिया रेखा खालामदों। बेनि अनगायैबो कक्राझार पुलिस खुंथानिफ्राय गुबुन समाव साजा होनायनि गोनांथार अजदबो खालामबावदों।

100 साननि गेजेराव गासै फरायसालि आरो आंगनबाडी मिरुफोराव लोंग्रा दै सौहैहोसिगोन

गोदान दिल्ली, 3 अक्ट'बर : हादत नाडैनि फरायसालि आरो आंगनबाडी मिरुफोराव गोगो लोंग्रा दै जगायनानै होनो थाखाय मिरुयारि दै गोहो बिफानआ थांनय शुकुबारखालि 100 साननि अभियानखौ जागायो। बेनि गेजेरजों मिरुआरि दै गोहो मन्थि गजेन्द्र सिं शेखाबाटआ गासै राइज्योफोर आरो मिरुजों खुंजानाय राइज्योफोरखौ बे हाबाफारिखौ जगायनो खावलायो। बेजों लोगोसे बिथाड गासै गिबि मन्थि आरो लेडइ राइज्यो बेंगिरिफोरनो लाइजाम लिरहरनानै बिसोरखौ ओन्सोलफोराव हाबाफारिखौ दैदोन्नोखावलायदों। बे हाबाफारिखौ जागायनानै शेखाबाटआ महात्मा गांधीनो बिन 151 थि जोनोम सानाव बिबार बावयो। बे समाव बिथाड बुंनय बायदिल्ला गाहाय मन्थि नरेन्द्र मदिआ थांनय 29 सेप्टेम्बर जल जीवन मिसनखौ लन्स खालामनानै सुबुंफोरखौ हादतनि गासै फरायसालीफोर आरो आंगनबाडी मिरुफोराव लोंग्रा गोगो दै जगायनानै होनो खावलायदोंमोन। बे



हाबाफारिखौ जाफुंहोनु थाखाय 100 साननि अभियानखौ जागायबाय। मख'नो गोनादि, जल जीवन मिसननि थांखिया फेगौ 2024 सिमाव

नख'रफोमबो नालाजों दै जगायनानै होनाय। बे मिसननि मिरुआव आइजोफोरा आरो गथ'फोर दड। 2020-21 आव जल जीवन मिसननि थाखाय 23,500 कौटि रानि धोन राशि जगायनानै होदों। बेयाव 11,500 कौटि रांखौ बाजेटआरि हेफाजाब होनाय महरै आरो 12 रोजा कौटि रांखौ उफ्रा बाजेटआरि सोदोनाय महरै होनाय जागोन। इउनिसेफनि अन्जिमानि बायदिल्ला, थांनय 2020 आव 17 जौखोन्दो फरायसालिफोराव लोंग्रा गोगो दै जगायनानै होयाखैमोन। नाथाय 2016 सिमाव बेबायदि फरायसालिफोरनि अन्जिमाया दावखलायनानै 9 जौखोन्दो थाहैदोंमोन। बेनि नैथि खोलोबाव गिबि मन्थि त्रिबेन्द्र सिं रावतआ 2 अक्ट'बरनिफ्राय 100 साननि गेजेराव गासै राइज्योफोरनि फरायसालि आरो आंगनबाडी मिरुफोराव लोंग्रा गोगो दैनि कानेक्सन होनो बिथोन होदों। बेजों लोगोसे बिथाड गामियारि ओन्सोलफोराव लोंग्रा गोगो दै जगायनानै होनो थाखाय थाबैनो भिलेज एक्सन प्लान बानायनो थिनो।


2021 नि सिगां करनानि भेक्सिनखौ मोन्नो हानाय नड



गोदान दिल्ली, 3 अक्ट'बर : मुलुगनाडै करना इनफेक्सननि किटनि थाखाय भेक्सिन बानायनाय हाबाफारिया सोलिगासिनो दं। बेनि गेजेराव भेक्सिन बानायग्रा जरखाफोरा बुंदों बे भेक्सिनखौ 2021 याव मोन्नो हागोन। जरखाफोरा साभें खालामनायखौ बिथा खालामनायनि सायाव बे बाश्राखौ बुंदों। साभें आव जाय जरखाफोरखौ लाफादेरनाय जादों बेवहाय बांसिन सुबुंफोरनो कानाडा आरो आमेरिकानि बिगियानगिरि। बिगियानगिरिआ बुंवावदोंदि, बान्जाय जाथाव भेक्सिनखौ बानायनायाव 2022 सिम सम नांवावोनो हागौ। मख'नो गोनादि, मिरुनि गाहाम देहानि मन्थि हर्षबर्धनआ बुंदोंमोनदि फेनो गोनां बोसोरनि जागायजेननायाव करनानि भेक्सिनखौ मोन्नो हागौ। बेयो फोरमायदोंमोनदि सरकारआ गोबां इनफेक्सन जानाय ओन्सोलाव भेक्सिनखौ थाबैनो जगायना होनाय जागोन।

अटल बिहारी बाजपेयीजीनि सिमाड जाफुंसारबाय : गाहाय मन्थि मदि

मनाली, 3 अक्ट'बर : गाहाय मन्थि नरेन्द्र मदिआ मनालीआव अटल टुनेलखौ बेखेवनयनि उनाव बुंदों, दिदैन सानया जारिमिनारि। दिदैन अटल जीनि सिमाजों लोगोसे हिमाचल प्रदेश सुबुंफोरनि गोबां बोसोर नेनानै थांनाया जौब्याय। बिबो बुंदों, जेब्ला बिबो हिमाचलयाव दावबाय हैयोमोन अब्ला धुमल जीजों लोगोसे चाहा लोडोमोन। बे समाव अटलजीआ टुनेलखौ बानायनयनि समायखिरा लादोंमोन। दिदैन बिनि बे समायखिरा लानाया फुरा जाबाय। बे टुनेलजों लेह लाहाखनि आबादारिफोरा आबादखौ हादतनि बाजारसिम दैथाय हरनो हागोन। बेजों जेना सोमजिनाया खम जागोन।



अटल टुनेलआ भारतनि सिमानि गुदि बिथाखौ गोदान गोहो होगोन। अटल टुनेलखौ बानायनो थाखाय बोसोरफ्रामबो 1400 मिटरनि हिसाबै हाखौ जावखानाय जादों। 2008 याव

बे टुनेलखौ बानायनायाव 980 कौटि रानि खरसा जागोनखौ लानानै थियारि खालामनाय जादोंमोन। नाथाय गोबाव जानायनि जाहोनाव 3200 कौटि रानिफ्राय बांसिन राड बे टुनेल बानायनायाव खरसा जादों।

गोदान दिल्ली, 3 अक्ट'बर : भारतआ मुलुगनि बै दरथाम हादतफोरनि गेजेराव हाबाफाबाय, जेराव करना इनफेक्सनजों 1 लाखनिखुइ बांसिन सुबुंफोर थैबाय। बे महामारिजों दासिमाव भार तनिखुि बांसिन आमेरिकाआव 2.12 लाख आरो ब्राजिलवा 1.44 लाखनिखुइ बांसिन सुबुंफोर थैखांबाय। बे महामारिजों भारतआव गिबि थैनायनि थांनय 12 मार्चखौ मोन्दोंमोन। बेनि उनाव थांनय 203 साननि गेजेराव थैनायफोरनि अन्जिमाया 1 लाखसिम सौहैबाय। बेनि गेजेरजों रेहायनि बाथाया बेनोदि, बांसिन नयबिजिरसेयावबो गोदान केसयाव थाद'नाव गैया जासे

हादतआव थांनय सप्ताहनिफ्राय करनानि केसखौ दावखलायनाय नुनो मोन्दों

गोदान दिल्ली, 3 अक्ट'बर : हादतआव करना भाइरासनि केसफोरखौ थांनय सप्ताहनिफ्राय दावखलायनाय नुनो मोन्दों। 10 सान सिगां हादतआव 90 रोजानि बांसिन केस नुजादोंमोन आरो करना टेस्ट नायनाया 7 कौटिनि बांसिन जाबाय। गाहाम देहा मावख'नि बादिब्ला, दर 25 राइज्योफोर आरो मिरुजों खुंजानाय राइज्योफोरारो थांनय सप्ताहनिखुइ सांघ्रां केसफोर खम जादों। करनानिफ्राय मोजां जानाया बांबोनाय आरो थैनायनि अन्जिमाया दावखलायबाय थांनायनि जाहोनाव सांघ्रां केसफोरारो दावखलायदों। शनिबार फुं आव



फोसावनायबादिब्ला भारतआव कभिड-19 जों थैनायफोरनि अन्जिमाया 1 लाख बारबाय। थांनय 24 घन्टयाव से रोजानि बांसिन इनफेक्सन जानाय बेरामिफोरा थैदों। गाहाम देहा मावख'नि फोसावनाय अन्जिमा बादिब्ला, थांनय 24 घन्टयाव से रोजा सा 69 थैदों आरो सा



दावखलाय गासिनो दड आरो गोबां अन्जिमानि बेमारिफोरा

गाहाम जागासिनो दड अब्लाबो सानफोम्बो 1 रोजानिखुइ बांसिन बेमारिफोरा थैगासिनो दड

आरो बेनि गेजेरावबयनिखुइ बांसिन थैनायनि महारास्ट्रआव अन्जिमाया। खौरां एजेन्सिफोरनिफ्राय

थांनय शुकुबार मोनानि 9 रिगासिमाव मोन्नाय अन्जिमानि बायदिल्ला, थांनय बृहस्पतिबारनि हर गेजेरनिफ्राय दासिमाव हादत नाडै सा 1,049 बेमारिफोर थैदों, जेराव बयनिखुइ बांसिन महारास्ट्र आव 424, तामिलनाडुआव सा 67, उत्तर प्रदेश सा 84 आरो केरलायाव सा 20 नाडै। बेजों लोगोसेनो बे मुलुग महामारिजों थैनायफोरनि अन्जिमाया सा 1,00,768 जाहैयो। बे समाव सा 79,042 गोदान केस मोन्नायजों इनफेक्सननि अन्जिमाया 64.64 लाखनिखुइ बांसिन जाहैबाय। बे समाव सा 75,699 बेमारिफोरा गाहाम जानायजों दासिमाव गाहाम जाफिननाय बेमारिफोरनि अन्जिमाया 54.15 लाखनिखुइ बांसिन जाबाय।

करना भेक्सिन स्पुतनिक भिनि गिबि केपआ बेनेजुएलायाव सौहैबाय

गोदान दिल्ली, 3 अक्ट'बर: रसियानि स्पुतनिक भि कभिड भेक्सिन गिबि केपआ बेनेजुएलायाव सौहैबाय आरो बैयावनि बिबानगिरिफोर बुंदों गावसोर बेनि थामथि खोलोबनि क्लिनिकेल आन्जादनि यजना बानायनो नागिरदों। गिबि केप महरै 2,000 स्पुतनिक भि कभिड-19 भेक्सिनआ शुकुबारआव मेक्वेटिया सहस्त्राव थांनय साइमन बलिवर उरं गाथोनआव सहैयो। वेनेजुएलानि लेखइ हादतगिरि डेल्लिस रडिगुएजआ बेखौ जारिमिनारि बुंनयजों लोगोसे गोजोननायखौबो फोमयादों। बिथाड बुंवावोदि, बुहुमखावआव थांनय वेनेजुएलाया बे भेक्सिनखौ क्लिनिकेल आन्जाद नायनायनि थामथि खोलोबखौ जागायग्रा गिबि हादत जागोन। सोलिफु दानआवनो हादतआव बे भेक्सिननि क्लिनिकेल आन्जाद नायनायखौ जागायगोन। रसियाआ दाबि दैखादोंदि, कभिड-19 नि भेक्सिनआ रेजिस्टार खालामनायनि सिगांनि ट्रायेलआव 2,500 भलन्टियारिनियाव आन्जाद नायदोंमोन आरो बिसोरनाव जायखि जाया रोखोमनि गात्रि गोहोमखौ नुयाखै। रसियाआ 11 आगस्टआव करना भेक्सिननि स्पुतनिक भि खौ जौगाखोहोनु हानायखौ फोसावनानै करनानि भेक्सिनखौ रेजिस्टार खालामनोनाय गिबि हादत जादों।

9 बोसोर बैसोनि लिसिप्रियाआ बोथोर सोलायनायखौ होबथानो आर'ज गाबदों

गोदान दिल्ली, 3 अक्ट'बर : 6 बोसोरनि बैसोयाव उरिप्यानि लिसिप्रिया कंगुजैमआ मंगलियाआव इउननि डिजायटर कनफारेन्सयाव बाहागो लानो खाबु मोन्दों। बेवहायनिफ्राय फेफिनायनि उनाव बिबो 'दा चाइलड मुभमेन्ट' मुंजों गंसे फसंथानखौ जागायजेन्दों। जुलाइ 2018 निफ्राय बिबो बोथोर सोलायनायखौ लानानै बाश्रा बुंवाव थादों। बिबो मुलुगनि दैदेनगिरिफोरनाव बुहुमखौ रेखाथि होनो आर'ज गावनायजों लोगोसेनो भारतनि गाहाय मन्थिनावबो बोथोर सोलायनायनि आयेनखौ थाबैनो संसदयाव पास खालामनो आर'ज गाबदों। 2018 याव नेपालयाव बांघि मावनाय समाव लिसिप्रियाआ गावनि बिफाजों लोगोसे दुबु मोन्नाय सुबुंफोरनि थाखाय फान्ड बुथुमनो



थादोंमोन। बेनि उनाव बिबो टिभिथाय मिथिंगायारि खेफोदनि जाहोनाव न' गैजायै गथ'फोरखौ नुब्ला गाबनो हमो। उरिप्याआव 2018 याव गिबि खेब फेनि साइक्लन बारहुंखा बारदोंमोन। बेनि बोसोरसे उनाव तितली बारहुंखा बारनायनि जाहोनाव बोथोर सोलायनाय जादों। 9 बोसोरनि लिसिप्रियाआ माखासे मुदुगयारि सम्मेलनआव बाहागो लादों, जेराव 2019 याव स्पेइनि मद्रिदआव जानाय इनाइटेड नेसन्स क्लाइमेट कनफारेन्सयावबो बिबो बाहागो लादोंमोन। 2019 नि फेब्रुवारी दानयाव गाव गिबि खेब दिल्लीयाव संसद भवननि बायजोयाव धर्ना होदों। गाव गाहाय मन्थि आरो एमपिनाव कार्बन ऑखारनायखौ होबथानो थाखाय क्लाइमेट चेन्स ल'खौ संसदयाव पास खालामनो आर'ज गाबदों।

आं मा होनबावनो

आं मा होनबावनो नॉनि सिगाडव
सोर मोनथिनो आंनि दुखु दाहाखौ
बावगारनो सानो आं नॉनि महरखौ
नाथाय नॉं मानो आंखौ दुखुनि मोदै होबाय थायो ।
हागौमोन आं नॉंखौ बजबना लानो
नाथाय, आंनि दुखुथिया जिउआ मानोबा..... ।
लाजिनाय मोनो, मुगैनाय मोनो आं
मानोबा आंनि थरथिसे मोदैनि दाहारखौ ।
सुखु-दुखुनि हांमा सुरनानै आं
अराय सम आलारी बाथि लानानै
बाथौ गुदियाव दुइ हान्थु खरायनानै
आफा-शिव बोरायनाव बोर बियो आं !
थेवबो होनो गोसो गैया बिसोरबो
बिसोरबो होदों सोरनोबा दोन दौलट
नाथाय, सोरनिबा नखराव होदों गोरिब गुन्द्रा ।
बे बायदिनो इसोराबो गोरिब गुन्द्रा बासियामोनब्ला
सुबुं माहारिनि गेजेराव एना-एनि गैयाब्ला
मानसिजों मानसि एना-एनि गैयामोनब्ला
दिनै पल्लिकेल लितारफ्राबो खौसेयाव थानायमोनब्ला.... ।
सोरबाबा आस 'खान्दा जिउ खोमानाडमोन
सोरबाबा थैनि बाना जानानाय नडमोन
सोरबाबा नायगार-नायगार बुथार जानाय नडमोन
बेफोर बायदि जाथाय गैया मोनब्ला.....
दिनै गासैबो सुबुडानो बिद-फंबाय बिमा-बिफा
नखरसेयाव राइजो जानाय बायदि सुक सानथियै
मेलायनानै राइजो जानो हागौमोन ।
बेफोरखौ साननानै मालायखौ मुगैनो नांड
गुबुन हारिखौ सोंखारिनो नाड
बयबो गावनि धोन दौलटखौ लानानै देटगानो नाड
दिनै राजा, गाबोन फोरजा, बेफोर जादों
गासैबो इसोरनि मायआ गेलेनाय ।

मिनिसोरं नार्जारी

जनता कलेज सेरफांगुरि

गामि-मैनागुरि

ला:सो:- गडिया (कसुगाव)

जिला- कक्राइर बि टि ए डि आसाम ।

बोथोर

बोथोर, गोलोमनायनि बोथोर
जोबोद दु-दु हाव-हाव बोथोर ।
सानदों आं बे हाव-हाव बोथोराव
थानानै थानो हागोन ना ?
उलथा बोहैनाय दैखौ
आगोलथि बोहैहोफिनो हागोना ?
आलाय खुंग्रिनि गोजा दैखौ
गोगो-गोथार खालामफिनो
हागोना ?
दड दाबोनो आंनि गोसोआव
डिमापुर-मायबनि गोसोखं नेरसन,
जाखंफैयो दाबोनो आंनि गोसोआव
खुंखा-देतसु-ईरागदाव मोननि
हादत सिबिनाय ।
जोंब्लावखाडे दाबोनो गोसोआ-
राजा कृष्णचन्द्र, तुलाराम सान्नि गाहायनि
गोहो बोलोखौ गोसो खाना
दड दाबोनो आंनि मोदोमाव-
जोहोलाव दैमालु, सिखना जोहोलाव
जोहोलाव सोमदोन मोननि दुबुद थै ।
आवगाय आगान-दा फासय उरथिं
हनै सुथुरफोरा साग्लोबजोब्याय,
गोलेर-दान' आ खुगाब्लां सिनानै
आवगाय बोबाय
बे जुगा उन्दुनानै थानायनि सम नला
सिखारदो जोहोलावनि फिसाफोर,
गुबुन हारिफोरा सिखरजोब्याय,
झारखान,उथुराओनसोल, सतिसगोर,
दाथासै एरैनो आला-खाला ।
हाबाव! जॉनि बोथोरा मा इसे हाव-हाव
गुबुनना मानो गोजोन-सुदेम, खोलो-खोलो ?
दिनै जैरैथिबो दावखा खिफबनाय
जॉनि खाफालाव ।
दावखा खिफबजानानै अखाफोर सिनथाय
साथिला, मोले-मोले ।
सनाश्री मायनाव नॉं बुंनो हागोनदा
खोमसि जौमैआ साग्लोब्याय थाब्ला
बै गोसोम दाखोना गोमोरगोन ?

सनजय ब्रह्म

गसाईगाव कलेज

एडच.एस. नैथि बोसोर

रंजालि गथ' फोरनि सौरा

आइ

आइ नॉं अनसुलि
नॉंनो आंनि जोनोमगिरि
मुलुक माहारिनिखुइ नॉंनो
आंनि जिउनि साबसिन समायनासिन ॥
बावनो हाया आं नॉंनि अननायखौ
गारनो हाया आं नॉंखौ
बे बुहुमाव आंखौ दांनाय बिलिरनाय
मेगन बेखेवनायखौ,
दुखु-सुखु सहायनानै ख'ख' खांबोनायखौ ॥
नॉंनि अननायनिखुइ बै हिमालय हाजोआ
देरसिन जानो हाया,
बोरलि आइआबो नॉंनि गियाननिखुइ
गियाननिसिन जानो हाया
फ्रसान्थ लैथोआबो नॉंनि गोसोनिखुइ
गुवारसिन नड ॥
नाथाय -
दिनै आंखौ अबथिरा मानो गालांखो
बिमा बाथुलनि आखायाव मानो गथायलांखो,
साथ जारला सहायनांबाय आं बे संसाराव
बिमा बाथुलनि गोरबोनि हास्थायनायाव
गोसोखां नांबाय थैजिमलानि राव फाव ॥
सहायनांबावगोन बा बेसेबांबाबाव
थावरिना थानायनि बे उजिगासेआव
मादि खाफाल लाना फेदों आं आइयै
बे थिफिलिंगासे जिउ सोलेराव
नायबायल' दाथाहरसे आइयै जौमैनिफ्राय
आंखौबो लांफादो नॉंजों लोगोआव
बै गुवार सुदेम हाथरखि रायजोआव ॥

धनकिसर बसुमतारी

फरायसालि-जारागुरि हायार

सेकेण्डारि फरायसालि

गा:/ला:सो:-माकथाइ गाव

जिला- क'क्राइर बि टि ए डि ।

फैमाल जिउ

आंनि जिउनि मोजां मोन्नाया
दिनै फैमाल जिउ खालामलांबाय,
गोबों गोसोआव दुखु-दाहा
सहायस हायै हांमा गालांबाय ।
सानाखै आं अनजालि
गोबों गोसोआव हांमा थागोन,
पुस दाननि फ्रि-फ्रि खुवाजों
मिथिगानि बिफां-लाइफानि
बिलाइआ रानलांनाय बादि,
दिनै आंनि गोसोआबो अनजालि ।
आंनि नॉंखौ मोजां मोन्नाया
अराय रानप्राव-खुसाव फैमाल जिउ ।
फानफेवाली दावआ गावनि अनजालि
लोगोरि गोमाना फिउआ-फिउ
खराव-माराव गावनाय बादि ।
आंनि नॉंखौ अराय हास्थायनाया
बबेनिफ्रायबा बार मोदाय फैना
आंनि जिउनि लामा ससेयाव
आनि मेगननि नोजोराव हाद्रि-बाला
सारफावना गालांबाय नॉं अनजालि ।
आंनि नॉंखौ मोजां मोन्नाया
आंनि नॉंनो अननाय होनाया
अरायनि थाखाय थोयै-लोमै,
अराय आंनि मेगननि आन्दोआव
आनज्राय लांबाय नॉं अनजालि ।
गोसो गोबोंआव नॉंनि मुंखौ
अराय फैमाल जिउनि सानना
थपला जुना दोनबाय आं अनजालि
बे आंनि फैमाल जिउआव ।

दानसोरं बसुमतारी

थाखो: बि.ए. सेथि बोसोर

गामि सेसापानी

ला:सो: मागुरमारी

जिल्ला-कक्राइर, बिटिसि (आसाम)

दावबायनायनि थाखाय माखासे मोजां जायगाफोर दं



जायगाफोर दं ।

(4) बलिभियाखौ
आमेरिकानि तिब्वत महरैबो
मोनथिनो मोन्नाय जायो । बेयो
खोला आमेरिकांनि
हादतफोरनि गेजेराव दरसे
हादत । बे जायगाया गोबां
समायना ।

(5) समायना बुडापेस्ट,
सोरानि सहर, माखासे
गोमोथाव गामिफोर आरो
समायना नुथायजों लोगोसे
हांगेरिआ जारिमिन आरो
आसारखान्थिजों बुंफबना



जायगाफोर दं । बेयो मुलुगनि
8थि बयनिखुइबो देरसिन
हादत । ला पाम्पानि मिरुयारि
फोथारनिफ्राय लानानै एन्डिज
आरो चिलीजों लोगोसे बेनि
हाजोयारि ओन्सोला सोनाब
सिमासिम गोसारनाय ।

(10) ग्रीसआ मुलुगनि
बयनिखुइबो बांसिन सुबुंफोरनि
गोसोखौ बोनो हानाय
दावबायया जायगाफोरनि
गेजेराव दरसे हादत । बेवहाय
दर 7 निफ्राय बांसिन द्वीपफोर,
रमणीय लैथोमा बोरिमा आरो
गोबां हाजोफोरखौ नुनो
मोनो ॥

गोदान दिल्ली, 3 अक्ट'बर : दावबायनो थाखाय मुलुगयाव
माखासे समायना जायगाफोर दं-

(1) कम्बडियानि साइट सिईंग, बेसेन खम राहा, जाग्रा आदारनि
बेसेना खम जानायनि जाहोनाव बेयो भारतीयफोरनि थाखाय बेस्ट
इन्टारनेसनेल डेस्टिनेसन
बेवहाय दावबाय हैब्ला सासे
सुबुंनि थाखाय 30,000 राड
खरस जागोन ।

(2) भियेतनामयाव सुबुंफोरा
दावबायनो गोबां मोजां मोनो ।
बेवहाय बेसेन खमयावनो
दावबायनो हायो ।
भियेतनामयाव सानसेथारला
दावबायब्ला 500 राड खरस
जागोन ।

(3) थाइलेन्डआव गोजा आरो
गोथां गावनि जाग्रा आदार
मोनो । बेवहायनि लैथोमानि
बोरिमाया समायना जानायनि
जाहोनाव गोबां सुबुंफोरा
दावबाय हैयो । थाइलेन्डयाव
दावबायनायनि माखासे समायना



थानाय दरसे समायना हर ।

(6) गेजेर आमेरिकायाव थानाय हन्दुरासआ मोनसे समायना
सोगोफुरि बादि । बेवहाय थानाय समायना द्वीपफोर, सोमखोर
बिफां-लाइफांजों बुंफबना थानाय रेन फरेस्ट आरो सुरमा हाजोया

बयनिबो गोसोखौ बोयो ।
मुलुगनि नैथि बयनिखुइबो
देरसिन बेरियार रिफजों लोगोसे
हन्दुरासआ मोजां डाइथिं आरो
स्नर्कलिंगखौ जगायना होयो ।
(7) बुल्लारियाआ इउर'पनि
बयनिखुइबो बेसेन खमयाव
दावबायनो हानाय समायना
सहर । बुल्लारियानि ब्लेक सि
रिसर्ट'आ दावबायनायनि
थाखाय मोजां जायगा ।

(8) श्रीलंकायाव समायना
मिथिंगायारि नुथाय, चाहा
बागान आरो लैथोमानि
बोरिमायाखौ नुनो मोनो, जाय
मुलुगयाव द्वीप हादत महरै
मोनथि जायो ।

(9) आर्जेन्टिनायाव
दावबायनायनि मोजां



कक्राझार, रबिबार 4 अक्ट'बर, 2020

(1 बिलाइनिफ्राय)

इउनिफाइड कमान्ड रैखाथि हान्जाजों गिबि मन्थ्रिनि सावराय मेल

गिबि मन्थ्रि सनवालआ मिर्जिंथनाय फोरमायो। बेजों लोगोसेनो राइज्योनि रेखाथि एजेन्सि आरो मिरु रेखाथि एजेन्सिफोरनि जुथ्याथै खामानि मावनाय आरो गोछों नाजानायनि थाखाय आसामजों लोगोसे सा–सान्जा राइज्योफोरव गोबांथार बिग्रायारिफोरा हाथियार नागरनानै गावखी गथायनाय आरो गोजेन थासरि लाखिनायवाय मैखोंमै बिहोमा होनो हानायनि थाखाय राइज्योनि रेखाथि एजेन्सिफोर, मिरु मिलिटारी–पारा मिलिटारीफोरनिसिम सावायख'र जासियो। बेजों लोगोसेनो गिबि मन्थ्रि सनवालआ हादर रेखाथि होनायनि थाखाय आम फर्सआव इइन्ट जानो हानायबादि राइज्योनि लाइमोनफोरखी थुलुंगुा होनो थाखाय रौनिया सान्थ्रिफोरखी खावलायो। बे मेलआव सिफ सेक्रेटारि कुमार सन्जय कृष्ण, इन्डियन आर्मि 3 कर्पसनि जिअसि लेफ्टेनेन्ट राना प्रताप कलित्ता, लेफ्टेनेन्ट सान्त्ानु दयालमोनजों लोगोसे गोबां गोजी बिबानगिरि पुलिस आरो इन्टेलिजेन्स मावख'गिरिफोराबो बाहागो लाफादोंमोन ।

गाहाय मन्थ्रि नरेन्द्र मदिआ मुलुगनि बयनिखुइबो लावसिन अटल सुरंग लामाखौं बेखेवबाय

बानायनाय जादों। बे लामया आवुं महर मोनार्यनि गेजेरजों मनलाी आरो लेहनि गेजेरआव 46 कि.मि: लामानि जान्थायखी बाइइ खालामसिगोन आरो बे लामाखी दावबायनायव 4 घन्टा सम रेहाय गेजेरसिगोन। बे लामाखी बारग' गाहाय मन्थ्रि अटल बिहारी बाजपेयीनि मुडव देन्नाय जादों। मख'नाय जायोदि, लामाखी बेखेवनार्यनि उनाव बे लामाजों लाहल स्मौति जिल्लानि सा 15 बोरय बैसौनि सुबुंफोर बासजों गिबियै दावबायदों। गाहाय मन्थ्रि मदिआ दिने लामाखी बेखेवनार्यनि उनाव एसआरटिसिनि बासखी बेखेवनानैबो होदों। मख'जाथबदि, बे सुरंग लामा एवा टपेलखी थंनाय 2010 माइथायवनो लुफुंथार्यनि खामानिखी जागार्यदोंमोन। सरकारआ बे लामाखी लुफुंनो थाखय 2958 कौटि रं खरस खालामदों। बेवादिनो बे लामाखी लुफुंनायव 14508 मिट्टिक स्टील, 2,37,596 मिट्टिक सिमेन्ट बाहायदों ।

बकाखातयाव गं 100 बिसिना थानाय फाहामसालिखौं बेखेवदों मन्थ्रि शर्माया

'बुक्तियाव गोजेननि बाथि फोंजोंनाय आरो गोजा रिबनखी हास'नानै देहा फाहामसालिखी गोजेनै बेखेवना होयो मन्थ्रि ड० शर्माया। हाबाफारियाव मन्थ्रि शर्माजों लोगोसे राइज्योयारि देहा बिफाननि मन्थ्रि पियुष हाजरिका, आबाद मन्थ्रि अतुल बरा, तेजपुर लकसभा बियाबनि एमपि फल्लव असल बस आरो कार्बि अलंग गाव खुंथाय गौथुमनि गाहाय मावफुं सोद्रोमा तुलिराम रंहंमोनहाबो बाहागो लादोंमोन। मख'नो गोनॉदि, 2018 माइथायनि 12 अक्ट'बराव अन्थाय खाम्फा गाइसनार्य बे देहाफाहामसालिखी खम–सयनि गेजेरावनो लुफुंनानै आवुं महर होनो हानार्यनि थाखय मन्थ्रि हिमन्त बिश्व शर्माखी जरखायै साबायखर बावो बकाखात बिधान सभा बियाबनि एमएलए आरो आबाद मन्थ्रि अटुल बराया। हाबाफारि बायदिदै देहाफाहामसालिखी बेखेवना होनार्यनि उनाव बकाखातनि नाय मन्दिराव खुंनाय बेखेवनाय हाबाफारियाव बाहागो लानानै मन्थ्रि शर्माया बुझेदि, कभिड–19 महरमारनि गोसारनार्यनि खैफोद गोनॉ थासारियावनो जॉनि सरकार 4 रोजा नार्सफोरखी थिसनार्याव दान्थे–बिदन्थे गैयालासेनो आवुङ्कै महर होनो ह्यदों। कभिड–19 नि गिषावना थासारिनि गेजेरवनो गलाघातयाव सती साधनी मुलुत्सलौलसालिखी गनार्यथि होनाय आरो काजिरज फरयसालिमाखी जॉनि दैदेनार्य सरकार गनार्यथि होनो हानार्याव जाफुंसरदों। बकाखातखौं मोनसे दावबायारि नोगोर खालामनार्यनि थारो बकाफारिखी अखायाव लानार्यजों लोगोसे मकराखात आरो काजिरज ओन्सोलाव सानफ्रोमबो नुजाथिनाय लामानि गारि–मथरफोरखी सौग्रावनाय जाथायखी नोजोर होनानै खमैबो 13 कौटि रं बाहायनो मोनसे आइसिइउ फोनांवर ट्रामा सेन्टर लुफुंनय जागोन होनानै मन्थ्रि शर्माया गावनि बिबुंथियाव मिथिहोदों। मख'नो गोनॉदि, आवुङ्कै मोगथं महरव लुफुंनानै जाफुंसार होनाय गं 100 बिसिना थानाय देहा फाहामसालिखी कभिड फाहामथाय हिस्सवै फैगौ 5 अक्ट'बरनिफ्राय बाहायथ'नाय जागोन होनानैबो मन्थ्रि हिमन्त बिश्व शर्माया मिथिहोदों। बे गोदान देहाफाहामसालियावनो अफ्स्जेनजों लोगोसे मोन 10 भेन्ट्लेखौंबो बाहायनार्यनि रहा थागोन ।

बर' कसारि अन्साय गावखुंथाय गौथुम दानार्याव बिपिएफआ फोथायखेवस' खालामदों: इइबिपिअ

जिल्ला आफाद बान्जायनायव तिनसुकिया जिल्लानि गुबुन गुबुन ओन्सोलनि बर' महारनि मेलेमजबि, फोरोंगिरि, समाज सिबियारिफोरनि बाहागो लानार्याव दिने मार्षेरितानि महारम बर' गुदि फरयसालियाव मोनसे नोगोरारि मेलखी खुंनाय जायो। तिनसुकिया जिल्ला इइबिपिएनि आफादगिरि बिष्णुगम नार्जारिनि मासि सामलायनायव जानाय मेलनि थांखिखी फरयथिनानै होयो तिनसुकिया जिल्ला इइबिपिअनि गाहाय नेहाथारि जयन्त नार्जारिया। बे मेलावनो बाहागो लानानै इइबिपिअनि मासिगिरि पिताम्बर ब्रह्मआ बुझेदि, गोलाव बोसोर नाङ्कै बिटिएडनि बायजोयाव थानाय बर' सुबुंनि रजखान्थि, समाज–रंखान्थि, सोलोंथाय, हारिमु, हा–मोन्थायफोरनि बिथिडव संबिजिरारि मोन्थायनिफ्राय जानगारनानै थाबोनदोंमोन। बिटिएडनि बायजोयाव आसामनि खमैबो 21 जिल्लाफोरव थाबोनाय 10 लाखनिबो बांसिन बर' सुबुंफोरनि दुलाराइ जोगाहोनायनि थांखियाव बिटिसिनि बारग' गाहाय खुंगिरि आरो बिपिएफनि आफादगिरि थामहिनबा 17 बोसोर नाङ्कै बिटिसि खुंथायखी सामलायबोनाय हाग्रामा महिलारि, मन्थ्रि चन्दन ब्रह्म, प्रमिला रानि ब्रह्मजों गोबां फोथायनाय लानानै थंनाय गोबां बोसोरनिफ्रायनो खोंसेथि बर' सुबुं आफादआ बिटिएडनि बायजोयाव थानाय बर' सुबुंफोरनि दुलाराइ जौगानार्यनि थांखिजों रजखान्थियारि बिथिडव आवुं मदत आरो हेफाजाबखी होबोदोंमोन। नाथाय फोनानि दावबैसो साननि सिगॉ जोबलांनाय आसाम बिधान सभानि बोसोरारि जथुमयायव आसाम सरकार बर' कसारि अन्साय गाव खुंथाय गौथुम दाफुंनार्यनि बिथिडव बिपिएफनि आफादगिरि हाग्रामा महिलारि, मन्थ्रि चन्दन ब्रह्म, प्रमिला रानि ब्रह्मआ बे गोनॉ हाबाफारियाव हेंथा होनानै बिटिएडनि बायजोयाव थानाय बर' सुबुंफोरनि गोलाव बोसोरनिफ्राय हास्थायबोनाय थांखिनि फिथाइआ फेलें जाबाय। अदेबानि बर' कसारि अन्साय गावखुंथाय गौथुम दाफुंनार्याव बिपिएफ हान्जाया फोथाय खेबस' खालामदों होनानै इइबिपिअआ गोछों अजद खालामनार्यजों लोगोसे बिपिएफ हान्जानि बे बिंथिडव बिफाव लानार्यखी गोछों रवजों सोंखारिनानै खुदिरखोनाय फोरमायदों। बिपिएफनि रजखान्थि फाव फान्दायनाय आरो थगार्यनार्यनि हेंथायै गोछों गसंथानानै इइबिपिअआ गोलाव बोसोरनि दाबिखी लानानै थंनाय माखासे दाननि सिगाडव गोरोबथा जानाय थायथि बर' गोजेन गोरोबथानि 5 नं डारनि 5.1 दफानि गेजेरजों मिरु आरो राइज्यो सरकार बर' कसारि अन्साय गाव खुंथाय परिषद दाफुंनार्यनि हाबाफारिखी अखायाव लादों होनानै गुंथुमनार्यजों लोगोसे फैगौ 7 अक्टवराव केबिनेटनि गेजेरजों आसाम सरकार बर' कसारि अन्साय गावखुंथाय गौथुम दाफुंनार्यनि थांखि लानानै बेखी मावफुंनार्यनि गोनॉथार रहा लानो नाजदों होनानै गोनॉथार बाश्राखी मिथिहोयो। फारसेथिं इइबिपिअनि नेहाथारि सुक्रेसर गयारिया बुझेदि, बिटिएडनि बायजोयाव थानाय बर' सुबुंफोरनि थाखाय गोबां मिांजि आरो हास्थायबोनाय बर' कसारि अन्साय गावखुंथाय गौथुम दाफुंनार्यनि गेजेरजों रजखान्थि गोहो मोनार्यनि मोनसे खुंथायारि रहा लानानै सिगॉगोन आरो बेनि गेजेरजों गोलाव बोसोर नाङ्कै संबिजिरारि मोन्थायनिफ्राय जानगारनानै बिटिएडनि बायजोयाव बिटिएडनि बायजोयाव थानाय आसामनि मोन 21 जिल्लाफोरव थाबोनाय 10 लाखनिबो बांसिन बर' सुबुंफोरनि थाखाय जारिमिनारि जौगाखॉनाया गोछै जागोन होनानै बे बिथिडव साफ्रोमबो बर' सुबुड खोंसेथि आरो समनि थिनायाव नाजानार्यजों सिगॉ लॉनांगोन होनानै फोसावो। बे गोनॉ सावरयनाय हाबाफारियाव धेमाजि जिल्ला इइबिपिअनि आफादगिरि मन्रन्जन बसुमतारिआ गावनि बिबुंथियाव बुझेदि, बर' कसारि अन्साय गावखुंथाय गौथुम दाफुंनार्यनि फारसे आसाम सरकारनि लोगो हान्जा एबा बिपिएफआ जोबथायाव रजखान्थि फाव फान्दाननानै बिटिसिनि बायजोनि सुबुंफोरखी फोथायखेवस' खालामदों होनानै बुंथियो। बे मेलाव बर' धुनलाइ आफादनि मार्षेरिता गुदि आफादनि गाहाय नेहाथारि दिपिि दैमारि, फोरोंगिरि दिनेस बर', समाज सिबियारि गिरिसि बसुमतारि, केसव'पि बर'आवो सुंद' बिबुंथि लाखियो। बे गोनॉथार गेवलां मेलाव खोंसेथि बर' सुबुं आफादनि लेइइ आफादगिरि रनन बसुमतारि, नेहाथारि सुजेन बसुमतारि, धेमाजि जिल्ला आफादनि रंगिरि रबिन बर', गानतक्रि नागरिक सुरुक्षा मन्सनि गाहाय नेहाथारि तलन सनवाल मोनहा बाहागो लानाय मेलाव सदिया, जापुर, मार्षेरिता ओन्सोलनि खमैबो 200 नि बांसिन राइजो–रजाफोरा बाहागो लादोंमोन ।

थाबैनो हमजागोन एसआइ आन्जाद गेनाखान्थिनि गाहाय दायनिगिरिया: जि.पि .सिं

दायनिगिरिखी दासिमबो हमनो हायाखै आसाम पुलिसआ। सोंथि बिलाइ बायजोयाव ऑखारनाय बेले–बेजे गेनाखान्थिनि गाहाय दायनिगिरियाखी हमनार्यनि सोमोन्दोयाव दिने आसाम पुलिसनि आइन आबुथिनि उफ़ा पुलिस सामलायगिरि जि. पि. सिंआ मिथिहोदोंदि, बे जाथायनि गाहाय दायनिगिरि पि.के दत्तखी थाबैनो हमनार्य जागोन। जि.पि. सिंआ बुंनाय बायदिब्ला पि.के. दत्तआ नेपालावनो थायामानो एवा जेराव–मेरावनो थाया मानो बिखी थाबैनो आसाम पुलिसआ हमनार्य जागोन। मख'नो गोनॉदि, बे जाथायनि गुबुन सासे दायनिगिरि दिबन देकाखी हमनो हानार्यनि उनाव पि.के. दत्तखौंबो हमनो थाखाय आसाम पुलिसआ जेराव–मेरावनो नागिरागिसिनो दं होनानै आइन आबुथिनि उफ़ा पुलिस सामलायगिरिया बे बाश्राखी मिथिहोयो।

हाग्रामानि गोख्रों बिबुंथि: आन्दोयाव बिजेपि आरो इउपिपिएलनि गेजेराव बुजा–बुजि दं

दाबिजों थंनाय समनि बिटिसि खुंथायाव थानाय हान्जा बिपिएफआ दासान्दि गुबुन गुबुन हाबाफारि लानानै हेंथा सोमावसारनाया सोलिबाय थानार्यनि गेजेरारवनो बिपिएफनि आफादगिरि हाग्रामा महिलारिया मोनसे गोछों बाश्राखी बुंथिदों। महिलारिनि बायदिब्ला बिजेपि आरो इउपिपिएल हान्जानि गेजेराव दासान्दि आन्दोयाव बुजा–बुजि जानानै गोरोबलायनाय दं। नाथाय मोनै हान्जानि सोलो बाहायनार्यनि गेजेरावबो बे खेबाव बिपिएफ हान्जायानो सरकार दानो हाफिनगोनो रोखा होनानै महिलारिया दाबि दैखाडो। बिपिएफनि आफादगिरिया बुझेदि, जों खोंसेथिनि गेजेरजों बिटिसियाव 4 थि खेबनि थाखाय सरकार दाफुंनो थंगासिनो दं। गुबुन फारसेथिं बिजेपिनि राइज्योयारि आफादगिरि रंजित कुमार दासनि बिबुंथिनि सायावबो फिनजाथाय खालामदों हाग्रामा महिलारिया। मख'नो गोनॉदि, सोलिफु बोसोरनि थंनाय 4 अक्टवबखालि खुंनानो गोनॉ बिटिसि बिसायख'थिया महामारि कभिड–19 नि गेजेराव 6 दाननि थाखाय फावसयनार्यजों आरो दासान्दि राइज्यो बेंगिरिनि खुंथाया सोलिगसिनो दं। नाथाय आसाम सरकारनि मन्थ्रि हिमन्त बिश्व शर्माया थंनाय समाव फोसावनाय बायदिब्ला बिटिसि बिसायख'थिया माखासे दानसिम आरोबाव फावसयनारवनो हागौ। मानोना 4 थि बिटिसि बिसायख'थिखी सोलिफु अक्ट'बर दाननि गेजेरावनो खुंनानो हागौ होनानै रजखान्थिगिरिनि खुगा–खुगा खोनानाय आरो मिथिनाय जादोंमोन ।

आसाम–बंग' सिमायाव मैदेरनि उतखार

आसाम–सोनाब बंग'नि सिमा ओन्साल फाखिगुरि गाथाय थंनाय हरव 7–8 हाग्रानि मैदेर फालोआ आदर नागिरिबोनायाव सुबुंफोर थानाय ओन्सोलाव हाबफैनानै गोबां आबाद थिलफोरखी ख'हा खालामदों। जायगानि राइजो–रजाफोर मिथिहोनाय बायदिब्ला सोनाब बंग' बास्का हाग्रा ओन्सोलनिफ्राय सिमा ओन्सोलाव हाबफैनानै फाखिगुरि गामियाव थानाय गोबां आबाद थिलिखी ख'हा खालामो। फारसेथिं मैदेर फालोआ आसामनि आबादथिलियाव हाबफैनानै ख'हा खालामनार्यनि जाहोनाव सिमा ओन्सोलनि थागिबि राइजो–रजाफोर जिंगासिनार्य फोरमायदों। दिने फुंनि समाव जायगानि राइजो–रजाफोर मैदेर फालोखी होनो थंनायनि थाखाय गोबां नाजदोंब्लाबो फेलें जायो। दासान्दि ओन्सोलनि आबाद फोथारखी ख'हा खालामनार्याव जायगानि राइजो–रजाफोर बे जाथार्यनि सोमोन्दोयाव हाग्रा बिफाननो मिथिहोयो आरो मैदेर फालोखी होखांहरनार्यनि फारसे गोनांथार रहा लानो थाखायबो खावलायो। गुबुन फारसेथिं बे जाथायखौं खौरं मोनानै कचुगवाव हाग्रा संमन्दलनि मोनसे हान्जाया जाथायथिलियाव सहैदोंब्लाबो मैदेर फालोखी होखांहरनो थाखाय गोबां नाजासेयावबो फेलें जानार्यखौसो नुनो मोन्दें। मख'नो गोनॉदि, हाग्रा ओन्सोलफोराव आदरनि नुजाथिनार्यनि जाहोनावनो जिब–बुनातफोरनि सुबुं थानार्य ओन्सोलाव हाबफैनाया खेबले–खेबले नुजाथिनार्यनि जाहोनाव बोसोरफ्रोमबो सिमा ओन्सोलनि आबादजों सोमोन्दो थानाय आबादारिफोरा गाव–गावनि धोन–सम्पतिखी ख'हा खालामनो गोनॉ जादों ।

सिंरिमारियाव इउपिपिएलनि बिसायख'थि मेल

फोसावदिनाय मेलखी खुदें। इउपिपिएल हान्जानि भेरागव जिल्ला आफादनि दैदेनगिरि नन्दरम बर'नि मासि सामलायनायव जानाय मेलाव गाहाय आलासि महरै बाहागो लानानै इउपिपिएल हान्जानि आइजो मर्सानि दैदेनगिरि बिना गयारिया थंनाय 17 बोसोर नाङ्कै बिपिएफ हान्जाया बिटिएडि ओन्सोलाव गोबां गेना खान्थि खालामनार्यनि थाखायनो बिटिएडनि गुबुन गुबुन हारि–हारिसानि थागिबि राइजो–रजाफोरनि दुलाराइ जौगानार्या जाफुंसारथिसै। हाग्रामा महिलारिनि दैदेनार्याव बिपिएफ हान्जानि दैदेनगिरि आरो मावफारियाफोरा गावसोरनि धोन आजिनाय बिथिडव बादार्यालयनायखौसी नुनो मोन्दें। बेनिखायनो दासान्दि बिटिआर गोरोबथानि गेजेरजों बिटिसि ओन्सोलाव अरयथा गोजेननि थासारिखी लाबोफिनार्यनि युबुन मोनसेल' गाहाय थांखिया प्रमद बर'नि दैदेनार्याव इउपिपिएल हान्जाखी जैरिखिजाया बिटिआरआव सुबुंफोरनि थाखाय सरकार दाफुंनानै। राइजो–रजाफोर गेनाखांथि उदॉ खालामप्रा सरकार दाफुंनार्यनि सार्थयाव इउपिपिएल हान्जाखी जोबवना लानानै आवुं हेफाजाब होनार्यजों लोगोसे बरायदों होनानै गयारिया बुजे। गावनि बिबुंथियाव बिपिएफ हान्जानि गेनाखांथिजों लोब्बा थानार्यखौ होसानो थांखिजों बिटिआरआव इउपिपिएल सरकार दाफुं'नो हायोब्ला ओन्सोलनि गार्सैबो जौगालु खामानि–दामानिफोरखी राइजो–रजाफोरा मोनो हागोन होनानै बुंवावो। बे मेलाव भेरगाव परिषद बियाबनि बिजाथि दाउबैसा बर'आ साफ्रूमबो राइजो–रजाफोरखी हेफाजाव होनो गावनि बिबुंथिआव फोसावो।

पुजा कमिटिफोरनिसिम खुंथायनि गोदान बिथोन

पुजा फोबोंखी फालिनाय एवा फुजिनायाव गोदान नेमखान्थिखी आजावना लादों खुंथाया। कक्राझार जिल्लानि गसाइगाव महकुमा सदर सहरजों लोगोसे गुबुन गुबुन ओन्सोलाव दासान्दि लाहार–फाहार जानाय बिमा दुर्गा देवीनि पुजा फोबोंखी फालिनाय बिथिडव गोदान नेमखान्थिखी फालिनो थाखाय बिथोन फोसावदों। मख'नो गोनॉदि, कभिड–19 नि बिथोनार्याव थासारिनि समावनो दुर्गा पुजाखी फालिनो लाहार–फाहार जानार्यनि समावनो गसाइगाव महकुमा खुंथाया मोनफ्रोमबो पुजा मन्दबनि लांगोनायाव सिंसिर्तिभि केमेर लागवनानै मोनफ्रोमबो बिथिडव नोजोर लापिखनो पुजा कमिटिखी बिथोन होदें। बोसोरफ्रोमबो रंगिना–संगानानि हाबाफारिजों फालिबोनाय दुर्गा पुजाखी बे खेबाव सांग्रॉथिनि गेजेरजों आरो नेमखान्थिनि गेजेरजों फालिनो थाखाय खुंथाया पुजा कमिटिफोरनिसिम नेमखान्थि खानानै होनाय जादों। खुंथार्यनि जरखा बिथोनाव मिथिहोनाय बायदिब्ला मोनफ्रोमबो पुजा कमिटिखी 15 अक्ट'बरनि गेजेराव गनार्यथिनि थाखाय मोनसे आर'जलाइ गथायनो गोनॉथारे सम–सिमा खानानै होनार्यनि अनगायैबो मोनफ्रोमबो पुजा मन्दबआव सा 3 हौवा आरो सा 2 हिन्जाव सिबियारि थिसनार्यनि रहा खालामनो थाखाय फोसावनाय बिथोनाव रयखॉनाय जादों। बे रोखोमैनो हरनि 10 रिंगानिफ्राय फुंनि 6 रिंगसिम आइजोफोरखी रेहाय होनाय जागोन। पुजा मन्दब ओन्सोलाव सासेबो सन्देह' गोनॉ सुबुं आरो जेबो सिनार्यथि नै सुबुं आरो मुवा–बेसादफोर नुसनेब्ला थोंजोङ्कै पुलिस थाना आरो पुलिस बादयाव मिथिहोनो थाखाय खुंथाया गोनॉथारे बिथोन होदों। बे रोखोमैनो हौवा आरो हिन्जाफोरनि आलादा–आलादायै रहा खालामना होनार्यनि अनगायैबो मास्क गानै, सेनिटायस खालामै सिबियारिफोरखी पुजा मन्दब ओन्सोलाव हाबनायखी होबथानाय जागोन। मोनफ्रोमबो पुजा मन्दबआव हरनि 10 रिंगसिम माइक दामनायखी गनार्यथि होनार्यजों लोगोसे खुंथाया पुजा कुमिटिफोरखी प्नास्टिक उदॉ खालामनार्य, साखोन–सिखोन खालामनार्य बायदि गुबुन गुबुन सांग्रॉथिनि सायाव बेनार प्स्टर बाहायनो थाखाय फोसावनाय जादों। बोसोरफ्रोमबो नुबोनाय पुजारनि समाव गारि–मथरफोरनि होंगो–दोंगो जानायफोरखौबो बे खेबनि दुर्गा पुजारनि समाव नुनो मोनाना नइ। लोगोसे पुजा कमिटिनि सा 5 सोद्रोमा एबा सुबुंफोरखौल' देवीखी फोजावनाय खामानियाव थिसनार्यनि गनार्यथि होनाय जादों खुंथाया। बोसोरफ्रोमबो नेमखान्थि बायदियै देवीखी फोववावनाय समाव लामा, दालांफोराव सुबुंफोरनि होंगो–दोंगो जानार्यखी बे खेबाव होबथानार्यनि रहा लानानै खुंथाया 26 अक्ट'बखालि बेलासिनि 2 रिंगानिफ्राय 4.30 रिंगसिम, 27 आरो 28 अक्ट'बराव फुंनि 10 रिंगानिफ्राय बेलासि 4.30 सिम देवी दुर्गानि मसुखाखी फोजावनाय समखौंबो थि खालामनार्य जादों। बे रोखोमैनो समाजयारि जान्थाय थानाय हुदाखी गोनॉथारे फालिनायाव नोगोर फालिखानि बिबानगिरिफोरखी बिबान होनाय जादों। बेनि सोमोन्दोयाव गसाइगाव महकुमा बेंगिरि मावख'नि जथुमग्रा खथायाव बेंगिरि फल्लवि सरकारनि मासि सामलायनायाव खुंथायनि गोनॉथार जथुमनार्यजों मेलाव फैगौ पुजानि थाखाय गुबुन गुबुन नेमखान्थिफोरखी आजावनानै पुजा कमिटिनिसिम मिथिहोदों ।

गसाइगावआव पद्मश्री प्रतिमा बरुवा पाडेनि 86 थि बोसोरारि जोनोम सान फालिदों

बान्जाय आफादनि गाहाय नेहाथारि दिलिप कुमार बर्मनआ फुबिलि 9.00 रिंगार्याव आफादनि फिरफिलाखी बिरहोयो। बेनि उनाव बलाजानानि आर्टिस्ट भुवन रयआ आलारि बाथि फोजॉनानै पद्मश्री प्रतिमानो मान बाउयो। बेनि उनाव दुलु बाला रयआ जौसांखी समायहोनो आरो रंजाहोनो थाखाय माखासे मैथाइफोर रोजाबो। आनन्त रयनि मासि सामलायनानै दैदेनार्य बे हाबाफारिनि गेवलां मेलआव आलासि महरै बाहागो लायो गसाइगाव मिउनिसिपालिटि बर्डनि बार्ग मासिगिरि श्रुव कुमार ब्रह्मआ। हाबाफारियावनो बाहागो लाबावो बिटिसिनि बारग' मावफुं सोद्रोमा मृत्युन्जय नार्जारि, शराइबिल ब्लक बिपिएफनि आफादगिरि बिल्ला कुमार ब्रह्ममोनहा ।

आसाम ट्रेन्सपर्ट गौथुमआ 5 अक्टबरनिफ्राय सिमा गैयै साखा बन्द फोसावदों

सिबिथाय होग्रा थामहिनबा, दावबायारिफोर रोगाग्रा गारि बिगोमाफोराबो रंखान्थि लोरबां जानार्यजों मोगा–मोगि जानादें। जायनि थाखाय बासनि भाराखी बांहोनार्यनि दाबिजों अल आसाम मथर ट्रेन्सपर्ट एस'सिएसनआ राइज्योनाङ्कैफैगौ समबारनिफ्राय सिमा गैयै साखा बन्द फोसावदों। ट्रेन्सपर्ट एससिएसनआ दिने फोरमसयनाय बादिब्ला, कभिड–19 नि जाहोनआव रंखान्थियारि जेंनाजों मोगा–मोगि जानार्यानो बासनि भाराखी बांहोनो थाखाय रहा लानो गोनॉ जादें आरो बे दाबिखी लानानैनो सोमावसारनार्यनि हाबाफारि लानो गोनॉ जादें। गौथुमआ अजद होबावनाय बादिब्ला, सरकारआ गोबां रोखोमनि मुवा–बेसादफोर आरो पेट्रल–डिजेलफोरनि बेसेनफोरखी बांहोबाय नाथाय बासनि भारा बांहोनायाव मेगन खाना जानानै थादें। सरकारआ पेट्रल–डिजेलनि बेसेनखी सानफ्रोमबो बांहोबाय थादें आरो सोलिफु समाव दावबायारि बासफोराव 50 जौखोन्दोल' दावबायारिफोर दैखॉनार्यनि बिथोन होदें। नाथाय 50 जौखोन्दे दावबायारिफोरखौल' दैखाडोब्ला बाव बिगोमाफोरनि थाखाय जेबो मुलाम्फा फैया। बेनिखायनो जुदि भारनि बेसेनखी बांहोयाब्ला सरकारआ जौसे जौखोन्दे दावबायारिफोरखी गारिआव दैखॉनार्यनि गनार्यथि होनांगौ। जुदि बे दाबिखी गनार्याब्ला फैबाय थानाय समफोराव ट्रेन्सपर्ट गौथुमआ सिमना गैयै सोमावसारलांबाय थागोन आरो हान्था–मेला सिबिथाय होनार्यनिफ्राय जानगरारव थागोन होनानै हुमखि होयो ।

सनितपुर जिल्लानि बारग' एनडिएफबि क–अर्डिनेसन कमिटिआ जोनोम सान फालिदों

गोसोखॉनानै एनडिएफबिनि बारग' आफादगिरिफोर फारिये–रन्जन दैमारि, धीरन बर' आरो बि सावरायगोरानि हान्जाजों दाफुंजानाय सनितपुर जिल्लानि बारग' एनडिएफबि क–अर्डिनेसन कमिटिआ बीर जोहोलावफोरनि मुंख्लं जालांनाय नख'रनि सोद्रोमाफोरखी आर'नाइ गानहोनायजों बरायनार्य जादें। जिल्लानि सिडव थानाय बातासिपुर गेजेर आरो गोजौ फरायसालिआव खुंनाय बे एनडिएफबिनि जोनोम सान फालिनाय आफादखी बेखेवनानै होयो पिजेएसिबिएमनि बोसोनगिरि बुडिराम बसुमतारिआ आफादखी बेखेवनायजों लोगोसे गावनि बिबुंथियाव बिथाड बुझेदि, सनितपुर आरो बिस्वनाथ जिल्लाया बिटिआरआव थिसनजागोनआ रोखा नइ। मानोना ट्राइबेल एवा बर' सुबुं सानखोआ 50 जौखोन्दे जानांगोन। बे मेलाआव गाहाय आलासि महरै बाहागो लानानै एनडिएफबि (पि)नि बारग' दैदेनगिरि बि बेंगाया फुबिलि 11.00 रिंगार्याव आलारि बाथि सावनायजों लोगोसे बुझेदि, बर'लेण्ड आरो बर' हारिनि उदॉप्तिनि दावहायाव 34 बोसोर सोमावसारनायाव सनितपुरनि गोबां बर' जोहोलाव–जोहोलावजोफोरा आर्मि–पुलिसनि आखाइयाव गावसिनि बेसेन गोसा जिउखी खोमानो गोनॉ जादेंमोन। बिथॉ मुंख्लंफोरनि जिउमया सोगॉंआव जाहाथे आलो–गोजौनै थानो हायो बेनि थाखाय आफादनि जानानै अबंलावरनिंसिम आर'ज खालामो आरो मुंख्लं जालांनाय जोहोलाव–जोहोलावजोफोरनि नख'रनि सोद्रोमाफोरनिंसिमबो खुलुमनाय जासिहरो। बिथाड बुंबावोदि, थंनाय 27 जानुवारीआव जालांनाय बिटिआर गोरोबथानि दफाफोरव सनितपुर आरो बिस्वनाथ जिल्लाया बिटिआरआव थिसनजागोननि बाश्राया रोखा लिरनाय गैया। नाथाय कमिसन दानार्या बारा गोबाव जायखै। सरकारआ फैबाय थानाय समफोराव मा बिथोन हरो बेखी लानानैसो मा राहायै खामानिखी मावफुंलाडे बेखी उनावसौ मिबथिनो हागोन। बे गेवलां मेलआव बिडब्लिउजेएफनि फोसावदि नेहाथारि रेमालि मोसाहारिआबो आलासि महरै बाहागो लानानै बड'लेण्ड आरो हारिनि उदॉप्ति सोमावसारनायाव सनितपुर जिल्लानि सिडव गासै सा 94 बिर जोहोलाव–जोहोलावजोफोरनि जिउ बाउसोमानै दान होलांनाय एबा बिहोमा होलांनायनि थाखाय साबायख'र जासिनार्यजों लोगोसे गावबो मुंख्लं जालांनाय बीर जोहोलावनि सासे बिसि होनानै फोरमार्यथियो। बे जोनोम सान फालिनायनि गेवलां मेलआव बाहागो लादोंमोन एनडिएफबि (आर) नि बि अन्जालु, बि सुग्रांग्रा, बि साख्लाइ, आर लोमप्त्राव, पिजेएसिबिएमनि सनितपुर जिल्ला आफादनि आफादगिरि गहेन लाहारी, नेहाथारि मदन नार्जारिमोनहा ।

बड'लेण्ड सोमावसारनायाव बाहागो लाबोनाय मन्डल नार्जारिआ रुंसारि दाबाय

समाव जोबथा हां बोयो। मख'नाय जायोदि, रुंसारि मन्डल नार्जारिआ थंनाय दानथामसो सिगॉनिफ्रायनो गोब्राव बेरामजों भुगिनानै दंबोबोयोन। बेराफसने नख'रनि रंखान्थि हालोलुदआ मोजॉ नर्डेजि जाहोनआव बिखी जौगा थाखोनि मोजॉ फाहामथाय होनो हार्यनि जाहोनआव न'रनिअनो गोरलैसोनानै दंबोबोयोन। थंनाय 1 सपहासो साननिफ्राय जानो–लॉनो हार्यनि थाखाय मन्डल नार्जारिनि देहाया रानखेबबोदोंमोन आरो देहाया गात्रिसिन हालोलुदआ फैनार्यनि उनाव दिने नख'रनि बिमा, बिदा, बिनानावफोरखी नागानानै बे संसारनिफ्राय आन्त्रार्यलाडे। बबेखानि सानथामसो सिगॉ मन्डल नार्जारिखी मोजॉ फाहामथाय होनो थाखाय ससेल मिडियानि गेजेरजों राइजो–राजाफोरनिफ्राय रंखान्थि अन्सुंथाय हास्थायनायबो जादेंमोन। अन्सुंथाय हास्थायनाय बादि्यै अन्सुला फोसोनि माखासे राइजो–राजाफोरा एकाउन्टनि गेजेरजों रंखान्थि दानखौबो हरदोंमोन। बुक्तियाव मन्डल नार्जारिखी मोजॉ फाहामथाय होनार्यनि थाखाय लाहार–फाहार खालामबाय थादोंमोन। नाथाय दुखु नंथाव बाश्रादि, हावरिया खाफाल लानानै फैनाय मन्डल नार्जारिआ दिने अराय समनि थाखाय बुहुमनिफ्राय आन्त्रार्यलाडे। मख'नो गोनॉदि, रुंसारि मन्डल नार्जारिआ दुलाराय बर' फरायस आफादनि सोद्रोमा महरै माखासे बोसोर सम खामानि मावबोदोंमोन आरो आलादा बड'लेण्ड राइज्यो सोमावसारनाय समावबो गोबां खेब बाहागो लावोदोंमोन ।

सालबारि बियाबआव इउपिपिएलनि मेलाव फावखुंगुर फैला

नवाजउद्दिन सिद्दीकिआ सिरियास मेन जादों



मुम्बई, 3 अक्ट 'बर : फावखुंगुर नवाजुद्दिन सिद्दीकिआ बायदिव्ला गाव सावथुन 'सिरियास मेन' आव सासे भारतयारि सुबुंनि जिउनि मोनफ्रोमबो सान्नाय-हनायखौ दिन्थिदों। बेयो मोनसे औरैबायदि सावथुन, जाय हादतनि मोगथाडारि थासाखिखौ दिन्थिनानै मुलुगनाडै नायग्राफोरनि बाखानायखौ मोन्नायनि गोहो थायो। सुधीर मिश्रानि बिथोन होनायाव बानायनाय बे सावथुनआ शुक्रबारआव नेटफिलक्सआव रिलिज जाबाय। बे सावथुनआ लिरगिरि मनु जसेफनि 2010 आव फैनाय सलमा 'सिरियास मेन'नि सायाव बिथा खालामनाय। सावथुनआव नवाजआ तामिलनाडुनि दलित अय्यन मणिनि फाव खालामदों, जाय भुगिनांग्रा सुबुंफोरनि सायाव इनाय-अनागार खालामनायनि जाहोनाव बानायनाय बेबस्थाखौ सेलेन्ज होयो। बे सावथुननि गेजेरजों हारियारि फारगथि दिन्थिनाय आरो गोजौ थाखोनि जरखा बिबानगिरिफोरनि सायाव नोजोर होनाय जादों। सिद्दीकिआ बुंदोंदि, बेयो गोबां सरासन्ना सुबुंफोरनि सल', जेराव साफ्रोमबो भारतीयनि सावगारिखौ नुनो मोनो। बे मोनसे मोगथाडारि फाव, जेराव साफ्रोमनायबो मोन्नाय जरखाफोरबो दड। बेनो जाहोनिदि बे फावआव आंगो हमदानाया दड। आधिखालाव बे सावथुननि सलआव थाखोमानानै थानाय नंगुबैखौ दोनखोमानो हानाया जेना गोनां। बियो बुंदोंदि, बेयो गोनांथार नडादि गावनि नख 'रनि सुबुंफोरनि मोजांनि थाखाय बेबस्थाजों दावहा नांनयनि मणिनि नेमखांथिआ आयेन बायदि नडा मानोना बियो सान्ना लादोंदि, नेमखांथि बायदियै दावहा नांनया देरहानो हाया।

करण जहरआ पिएम मदिनो लाइजाम लिरदों

गोदान दिल्ली, 3 अक्ट 'बर : सावथुन बानायगिरि करण जहरआ पिएम नरेन्द्र मदिनो गांसे लाइजाम लिरदों। बे लाइजामआव बियो भारत उदांसि साननि 75 बोसोर फुरा जानायाव बलिउड नि यजनाफोरनि सोमोन्दै फोरमायदों।



करण जहरआ गान्धी जयन्तीनि जरखा खाबुआव पिएम मदिनो टेग खालामनाय बे लाइजामखौ लिरदों। बियो गावनि टुइटआव गाहाय मन्थिनि मुडे मोनसे नटखौ सेयार खालामनाय बुंदोंदि, उदांसि साननि 75 बोसोर फुरा जानायाव सावथुन मुलुगआ रंजा -बाजानि हाबाफारि खुंनो यजना बानायदों आरो गावसोर भारतनि बिर जोहोराव गुन गोनां आरो हारिमुनि सोमोन्दै थुलुंगाखांथाव कन्टेन्ट बानायदों। बेनि उनाव बियो आरोबाव मोनसे टुइटआव लिरदोंदि, मानगोनां गाहाय मन्थि नरेन्द्र मदिजौ जों भारत उदांसिनि 75 बोसोर फुरा जानायाव हादतनि बाश्राखौ फोरमायनो उसु-खुथु जादों।

करणआ गावनि बे परस्टखौ राजकुमार हिरानी, एकता कापुर, आनान्द एल राय, साजिद नाडियाडवाला, रहित शेटी आरो दिनेश बिज्जनो टेग खालामदों। बे टुइटजों लोगोसे सेयार खालामनाय लाइजामआव लिरदोंदि, भारतनि बिर जोहोलाव गुन गोनां आरो हारिमुनि सोमोन्दै थुलुंगा होनो थाखाय 'चेन्ज विद इन' मुनि मोनसे थांखि लादों। बेखौ उदांसि साननि 75 बोसोर फुरा जानायाव सायाव खालामनाय जागोन। थानाय बोसोराव राजकुमार हिरानीआ महात्मा गान्धीनि 150 थि जोनोम सानआव मोनसे जरखा सावथुन बानायदोंमोन। बियो थानाय बोसोराव महात्मा गान्धीनो बावसोमानै मोनसे भिडिय बानायदोंमोन। बेवहाय बलिउड स्टारफोरखौ गान्धी जीनि कट गान्नाय नुनो मोन्दोंमोन।

गाहाम देहानि राहा

आनारसआ देहायाव इम्युनिटि सिस्टेमखौ बांहोयो

जाग्रा फिथायफोरनि मुं मख 'योब्ला गुबुन फिथायफोरजों रुजुनायाव आनारसनि स्वादआ जर 'खा। बेयाव भिटांमिन, आइरन, कैल्सियम, फाइबर, एन्टि अक्सिडेंट, एन्टि बेक्टेरियल गुनबो थायो। बेफोर देहानि बेराम होबथाग्रा गोहोखौ बांहोयो। आनारसआव भिटांमिनफोर, मिनोरेल्स एवा खनि मुवाफोर आरो मुल्लिनि गुनबो थायो। बेयाव आबुं बिबानि कैल्सियम थानायनि थाखाय मोदोम बेदर आरो बेगेंफोरा गोखौ जायो। आइजोफोर आरो उन्दै गथ'फोरा बेखौ सानफ्रोमबो जायोब्ला मुलाम्फा गोनां। (1) एन्टि एजिं गुनजों आबुं आनारस फिथायखौ एवा बेनि जुसखौ लोंनायनि हु दा थायोब्ला केन्सार जानो हाथावनाया बाडइ जायो। मुल्लिनि गुन गोनां आनारसआ देहा सोलेराल केन्सारनि जीबखिफोरखौ बांनयाखौ



होबथायो। (2) बेरामनिफ्राय रैखाथियै थानो थाखाय देहा सोलेरनि इम्युनिटिआ गोखौ जानाया गोनां। बिब्दियाव आनारस जायोब्ला मुलाम्फा गोनां जायो। बेजों इम्युनिटिआ गोखौ जानायाव मदत मोनो। बिब्दियाव मंनया, लोरबां मोनाय बायदि जेनाफोरजों जुजिनो गोहो मोनो। (3) नेम-खांथि बादियै आनारसखौ जायोब्ला देहायाव थुबुर जानानै थानाय उफ्रा मेजेमआ बाडइ जायो। लोगोसे लोरबां मोन्नाय आरो मंनया

जानगार खालामना देहा-सोलेरखौ सानसेमानि फ्रेस लाखियो। (4) आधिखालनि समआव गोबांसिन सुबुंफोरानो कम्पिउटर, लेपटप, टेबलेट, मबाइल बायदिजों गोबाव सम थांगारहोयो, जायनि जाहोनाय मेगननि जेनाफोरा नुजायो। बेबायदि जायोब्ला आनारसखौ नेमखांथि बादियै जायोब्ला मेगननि नुनाय गोहोआ बांनो ह मो लोगोसे मेगनजों सोमोन्दो गोनां माखासे जेनाफोराबो जानगारो।

बिग बस-14 आव प्रभिन्ना पुनियाआ बाहागो लाखिगोन

गोदान दिल्ली, 3 अक्ट 'बर : पभिन्ना पुनियाआव सासे मुंदांखा टिभि स्टार। मानिना लानाय बायदिव्ला बिखौ बिग बस 14 नि न'आव नुनो मोनसिगोन। आधिखालाव बादायारिफोरनि सोमोन्दै जेबो फोरमायनाय जायाखै। बोसोरफ्रोमबो बिग बसनि न'आव सोर सोर हाबफैगोन बेखौ लानानै सान्निआ सिखाडो। प्रभिन्नाखौ गिबि खेब 2009 आव रियेलिटि श्व' एमटिभि सिप्लटसबिला'आव नुनो मोन्दोंमोन। बियो बयजोंबो मोजां मोनजाग्रा श्व' 'ये है महब्वतें'आव निधिनि फाव खालामदोंमोन, जायजों बियो न'-न'आव मुंदांखा जादोंमोन। सिसियेल मिडियाआव बिनि माखासे मोजां सावगारिफोरा भाइरेल जादों आरो बे सावगारिजों फोरमान जायोदि बियो बिग बसनि न'नि बादायारि




जागोन। बिखौ एमटिभि मेकिं मोन्दोंमोन। बियो सिरियाल दिल्लीनि फाव खालामनाय दा कट 2 आवबो नुनो 'लाभ इउ जिन्दगी'आव गीत लाख लाख सुबुंफोरनि

गोसोखौ जै खालामनो हादोंमोन। उनाव बियो प्रीत आरो नागिन-3 बायदि बायदि टिभि सिरियालआव फाव खालामनो खाबुबो मोन्दों। प्रभिन्नाआ 'होंगे जुदा ना हम, कबच' आरो डायन' सिरियालआवबो फाव खालामनाय। आधिखालाव बियो बयजोंबो मोजां मोनजाग्रा श्व' बालबीर रिटार्सआव तिमानासानि गात्रि फाव खालामनानै मुंदांखा जादों।

सुशान्त केसआ एआइआइएमएसआ फाइनाल रिपर्टखौ गथायबाय

गोदान दिल्ली, 3 अक्ट 'बर : फावखुंगुर सुशान्त सिं राजपुत थैनाय केसनि गिदिर खौराड सौराडव फैंदों। सुलुंनि बायदिव्ला एम्सआ गावनि रिपर्टखौ गथायनानै होबाय। रिपर्टआव बुंनया जादोंदि, सुशान्त सिं राजपुतखौ बुथाराखै मानोना बियो गावनो सुइसाइडसो खालामदों। सुलुंनि बायदिव्ला आद्रा थानायखौ नायबिजिरनायाव एम्सनि टीमआ मानिदोंदि, सुशान्तनो बिष होयाखैमोन। सा 5 डाक्टरफोरनि टीमआ बे रिपर्टखौ बानायदों। सुशान्त केसआव एआइआइएमएसनि फाइनाल रिपर्टआव रियानि उकिल सतीश



मानसिन्देआ बिबुंथि होनानै सत्यमेव जयते बुंदों। मानसिन्देआ बुंदोंदि, नंगुबैसो सोलायनो हाया। गावसोर सिबिआइनि मावख'आरि बिबुंथिखौ नेनानै दड।

रिचा चडढा आरो दीया मिर्जाआ टुइटारनि सायाव रागा जोंनायखौ फोरमायदों

गोदान दिल्ली, 3 अक्ट 'बर : ससियेल मिडियाआव अरायसम एक्टिभ थाग्रा फावखुंग्रि रिचा चडढा आरो दीया मिर्जाआ मोनसे गोदाय अजद होदों। रिचाया टुइट खालामदोंदि, गावनि माखासे टुइटखौ डिडिलिट खालामनो आरो माखासे सुबुंफोरखौ आनफल खालामदों। नाथाय बे खामानिखौ गावनि अनगायै टुइटारआसो खालामदों। फार्सेथि दीयानि बायदिव्ला गावनि एकाउन्टजों औरैबायदि सुबुंफोरखौ फल खालामदों। जायखौ गाव फल खालामनो सानाखैमोन। रिचाया टुइटआव लिरदोंदि, मानो टुइटार इन्डियाआ टुइटखौ डिडिलिट खालामदों। जौनि थाखाय



सुबुंफोरखौ आनफल खालामदों। बे टुइटआवनो रिप्लाय होनानै दीया मिर्जाआ गावजों लोगोसे जानाय बिब्दि बाश्राखौ मख'दों। दीयाआ लिरदोंदि, मानो टुइटार इन्डिया, मानो आं बिब्दि सुबुंफोरखौ फल खालामदों, जाफोरखौ माब्लाबाबो फल खालामाखै। सानसे सिगां टुइटार इउजारआ बे नटिसखौ होदोंमोनदि, माइक्र ब्लॉगि साइटआ बृहस्पतिबारआव मोजाडै हाबाफारि मावाखैमोन। उनाव टुइटारआव गावनि हेन्डेलजों बेखौ सोराडव लाबोदोंमोनदि, जेनाखौ सुबुंनयाय। आधिखालाव बेयो हाबाफारि मावगोना मावआ बेखौ नोजोर होनांगोन।

सिनेमाहलआ हादतनि 10 जौखोन्दो सुबुंफोरनिसिम सावथुनफोरखौ लानानै फैयो

गोदान दिल्ली, 3 अक्ट 'बर : सिनेमाहलफोरनि खुलिनायखौ लानानै राइज्यो सरकारनि गनायथिखौ साफ्रोमबो नेनानै दड। बेनि गेजेरावनो सिनेमाहलफोरनि गोहोखौ मोनसे रिसार्चजों नेनानै दड। सिनेमा हलआ हादतनि 10 जौखोन्दो सुबुं

अन्जिमाफोरनिसिम सावथुनफोरखौ लानानै थाडे। मोनसे सावथुनखौ लानानै थाडे। मोनसे सावथुनखौ गासै 4 कौटि आरो 6 लाख सुबुंफोरा नायो। सिनेमाहलफोराव थानाय आखुआ बयनिखुइबो बांसिन सावथुननि सुबुंफोरनि गेजेराव दड। मिडिया कन्साल्टिं फर्म अरमेक्स

मिडियाआ गावनि रिपर्टआव बे बाश्राखौ बुंदों। साफ्रोमबो सुबुंआ बोसोरआव गुबुन गुबुन रावफोरनि मोन 7 सावथुनफोरखौ नायो। सिनेमाहलसिम फैग्रा सुबुंफोरनि गासै 58 जौखोन्दोनि बाहागोआ भारत सहरनिफ्राय फैयो। गामि ओन्सोलआव भारतनि 69 जौखोन्दो सुबुंफोरा थायो, नाथाय

थियेटारआव थानानै सावथुन नायग्राफोरनि गेजेराव बेनि बाहागोआ गासै 72 जौखोन्दोल' मानोना बेफोर ओन्सोलफोराव थियेटार्सनि अन्जिमाया खम। भारतनि 52 जौखोन्दो हौवाफोरा थियेटार मुलुगआव 61 जौखोन्दोनि बिहोमा होयो। हादतआव सिनेमाहलआव थांग्रा

सुबुंफोरनि बैसोआ 27 बोसोरनि। अरमेक्स मिडियानि गायसनगिरि आरो सिइअ शैलेस कापुरआ बुंदोंदि, सिनेमाहलआव थानानै सावथुन नायग्रा भारतीय नायगिरिफोरनि सोमोन्दै दासिमनि मोन्नो हानाय डाटानि गुनआ गोबां जादों।

रसियाआव करना भाइरासनि गिख्रंथाव दोहौ, रमआव मास्कखौ गानथारनांगौ फोसावबाय

मस्क, 3 अक्ट'बर : रसियाआव करना इनफेक्सननि गोहोमआ फिन बांफिनो हमदों। हादतआव फारियै गोदान केसफोरखौ 9 रोजानि बांसिन थिसनो मोनगासिनो। अदेबानि सरकारआ बुंदों, इनफेक्सनखौ होबथानायनि थाखाय हादतआव नैथि खेब लकडाउन फोसावनो थांखि गैया। रसियाआव दासिमआव 11 लाख 94 रोजानि बांसिन इनफेक्सन मोनबाय। बिसोरनि 21 रोजानि बांसिन जिउ ख'हा जाबाय। रसियानि रास्ट्रपति भवन के मलिन बुंथिगिरि दमित्री पेस्कभआ फोरमायदोंदि, नैथि खेब लकडाउन फोसावनानि सायाव सरकारआ सावरायाखै। बिबानगिरिफोरनि बादिब्ला हादतआव शुक्रबारखालि 9,412 गोदान केस मोन्दों। मख'जाथावदि,



मस्कआ फिन इनफेक्सननि मिरु जानो हमदों। बेयाव थानाय समबानिनफ्रायनो सानफ्रोमबो नै रोजानि बांसिन पजिटिभ केसफोर मोनगासिनो।

इनफेक्सननि बांबोनायखौ नोजोर होनानै सरकारनि बिबानगिरिफोरा बैसो जानाय सुबुंफोरखौ न'आवनो थानो सुबुरुन होदों आरो

फरायसालिफोरनि छुट्टिखौबो से सप्ताह बारायनाय होबाय। राजथावनि मस्कनि मेयर समेइ सब्याननआ कम्पानीफोरखौ 30 जौखोन्दो स्टाफजों

न'निफ्राय हाबाखौ मावो। बेजों इनफेक्सन गोसारनायखौ होबथानायवाव मदत मोन्नो हागौ।

इटालीनि राजथावनि रम आरो लेजिअआव न'निफ्राय बायजोआव ओंखारोब्ला मास्क गानथारनांगौ खालामना होबाय। मानोना बे मोनसे जायगाफोरआव इनफेक्सनखौ बांसिनै नुनो मोन्दों। मख'जाथावदि, इउर'पियान हादतआव एप्रिलनिफ्राय थानाय बृहस्पतिबारआव गिबियै नै रोजानि बांसिन केस मोन्दों। इटालीआव दासिमआव गासै 3 लाख 17 रोजा बेरामि मोनबाय आरो सा 36 रोजा थैबाय।

लकडाउननि उनाव गिबि खेब रमनिफ्राय बायजोआव ओंखारदों पपआ

रम 3 अक्ट'बर: भेटिकनयाव करना भाइरास लकडाउननि उननिफ्राय गिबि खेब शनिबाराव पप फ्रान्सिसआ रमनिफ्राय बायजोआव ओंखारदों। पप फ्रान्सिसआ गावनि जोनोम जायगा असिसिआव थांगोन। बेवहाय बियो गांसे बिथांखि लाइयाव मुंसायगोन। फ्रेटल्लो टुट्टी मुनि बे बिथांखि लाइयाव पपनि सान्नाय हनाया थागोन। जाय कभिड-19 नि समाव सुबुंनि थासारिनि सायाव बिथा खालामनाय जागोन। मुलुगनाडै करना भाइरासजों 10 लाखनिफ्राय बांसिन सुबुंफोर थैदों। बेनि सिगां फेबुवारि दानयाव



पपआ इटालिनि शहर बारीयाव दावबाय हैदोंमोन। 2020 याव पप फ्रान्सिसआ गुबुन हादतयाव दावबाय हैयाखै। मख'नो गोनादि, असिसिखौ

खुट्टानफोरनि थाखाय गोथार शहर मानिना लानाय जायो। देहानि जेनाखौ खम खालामनो थाखाय पपनि बेयो गावयारि दावबायनाय जागोन।

मुलुगआ बापुखौ गोसो खांदों

वासिंटन, 3 अक्ट'बर : हारिनि बिफा महात्मा गान्धीनि 151 थि जोनोम सानयाव मुलुगया बिखौ गोसो खांदों। आमेरिका संसदननि गाहाय सदनि थान्दै सभानि सोद्रोमाया बापुनो बिबार बाउदों। गान्धी जयन्तीनि सिगां साननि बेलासियाव एमपि रहित खान्नाया मोनसे खोरंखौ परट खालामनानै बुंदों, बापुआ अहिंसाजों बिजिरनायखौ मोन्नो हानायनि नेमखान्थिखौ फोरेंदों। कमिउनिस्ट चीनयावो बापुनि नेमखान्थिआ जोंखौ जेब्लाबो थुलुंगाखां होगोन होन्नानै बिबार बाउदों। पाकिस्तानयाव थानाय भारतीय थान्दै मावख'यावो गान्धी जयन्तीखौ फालिदों। गान्धी जयन्तीनि खाबुयाव



इउरेननि कोबयाव बापुनि ब्रजनि मुसुखाखौ बेखेवनाय जादों।

आमेरिकानि एमपि टम सुजोआ बिबार बाउननै बुंदों बियो गावनि

हाबाफरि मावनायजों सुबुंफोरखौ गोहोम खोख्लैदों। माखासे एमपिफोराबो भारतीय थान्दै मावख'नि टुइटर हेन्डेलनि गेजेरजों बापुनो बिबार बावदों। 2 अक्ट'बरयाव महात्मा गान्धीनि सावगारिजों मुलुगनि बयनिखुडुबो जौसिन न'बिलिड बुर्ज खलिफाआ सोरांजों मोदानफबदों। बे समाव बुर्ज खलिफायाव मोनसे जरखा हाबाफरिबो खुंनय जादों, जायखौ ससियेल मिडिया प्लेटफर्मयाव लाइव स्ट्रीमिं खालामनाय जादों। गान्धी जयन्तीनि खाबुआव भारतीय राजथावन्दै मावख'या गावनि परिसरयाव स्वच्छता अभियानबो सालायदों।

नागार्न' काराबाखआव सिरिया आरो लिबियानि लाइमोनफोरखौ लानानै रसिया आरो इरानआ जिंगासिदों

मस्क, 3 अक्ट'बर : रसियानि गुबुन हादतयारि मन्थि सेगेइ लाभरव आरो इराननि गुबुन हादतयारि मन्थि महम्मद जबाद जारिफआ शुक्रबारआव फनआव बाथा सावरायज्यायदों। सानैबो दैदेनगिरिया नागार्न काराबाख दावहायाव सिरियानि आरो लिबियानि लाइमोन सेंग्राफोर बाहागो लाफनायखौ लानानै जिंगासिदों। सिरियानि दावहाखौ नोजोर लाखिनाय सुलुआ फोरमायदोंदि, अजरबैजानखौ हेफाजाव होनो थाखाय तुर्की, सिरियानि बिग्रायारि लाइमोन सेंग्राफोरखौ दैथायहरदों। अंकारा आरो बाकु दरनैबो बेखौ सोंखारिदों। फ्रान्सनि हादतगिरि इमेनुएल मेक्रनआ तुर्कीनि सायाव सिरियानि जिहादफोरखौ दैथायहरनायनि



दाय जाबसिन्दों। दरनैबो हादतनि गेजेरआव नागार्न काराबाख ओन्सोलखौ लानानै गोबाव समनिफ्रायनो जेना सोलिदों। अजरबैजानआ बे ओन्सोलखौ गावनि होन्नानै बुडे आरो हारिमा हारियारि थाखोआवबो बेखौ बेनिनो बाहागो मानिनाय जायो। अदेबानि 1994 नि दावहानि उनाव बे ओन्सोलाव अजरबैजानि सिडाव सामलायजायाखै। बे ओन्सोलाव फारनैथिनिबो सान्थिफोरा गोबां दं। गासै 4,400 कि:मि: गुवार नागार्न, काराबाखनि बांसिन बाहागोआनो हाजोजों बुंफननाय। थानाय जुलाइ दानआवबो मोन्नै हान्जानि गेजेरआव दावराव-दावसि दाड-बाजियाव सा 16 सुबुंफोरा जिउ गोमादोंमोन।

दरनैबो हादतनि गेजेरआव नागार्न काराबाख ओन्सोलखौ लानानै गोबाव समनिफ्रायनो जेना सोलिदों। अजरबैजानआ बे ओन्सोलखौ गावनि होन्नानै बुडे आरो हारिमा हारियारि थाखोआवबो बेखौ बेनिनो बाहागो मानिनाय जायो। अदेबानि 1994 नि दावहानि उनाव बे ओन्सोलाव अजरबैजानि सिडाव सामलायजायाखै। बे ओन्सोलाव फारनैथिनिबो सान्थिफोरा गोबां दं। गासै 4,400 कि:मि: गुवार नागार्न, काराबाखनि बांसिन बाहागोआनो हाजोजों बुंफननाय। थानाय जुलाइ दानआवबो मोन्नै हान्जानि गेजेरआव दावराव-दावसि दाड-बाजियाव सा 16 सुबुंफोरा जिउ गोमादोंमोन।

किम जंग उनआ ट्राम्पनि देहाया थाबैनो मोजां जानायनि आर'ज गाबदों

प्यिंगयांग, 3 अक्ट'बर : सा करियानि दैदेनगिरि किम जंग उनआ शुक्रबारआव वासिंटनआव बाल्टर रीड देहा फाहामसालियाव ट्राम्प आरो बिबिसखौ करना पजिटिभ मोन्नानै थिसनजानायनि उनाव बिसोरनि देहाया थाबैनो मोजां जाथों होन्ना आर'ज गाबदों। करियानि सेन्ट्रेल निउज एजेन्सि यनहापनि गथायनाय खौरांखौ



लानानै फोरमायदोंदि, किम जंगआ उदां गोसोजों ट्राम्प आरो फास्ट लेडी मेलानियामोननि देहाया थाबैनो मोजांआव फैगोन होन्नानै गावनि गोसोनि सान्नायखौ फोरमायदों। खोला करियानि खौरां एजेन्सिनि बादिब्ला बेयो गिबि खेबदि किम जंग उनआ मुलुगनि सासे दैदेनगिरिनि देहाया मोजांआव फैथीनि आर'ज गाबदों। मख'जाथावदि, डनाल्ड ट्राम्प आरो फास्ट लेडी मेलानिया ट्राम्पनि करना टेस्ट नायनायनि रिजाल्टआ शुक्रबारआव पजिटिभ फेदोंमोन, जायनि उनाव बिसोर देहा फाहामसालियाव थिसनजायो। ट्राम्पआ फाहामसालिनिफ्रायनो गावनि हाबाफरिखौ मावगोन। डा: सीन कनलेआ फोरमायदोंदि, हादतगिरि ट्राम्पमोनखौ बायटेक कम्पानीनि दिहुन्नाय रिजेनेरनजों फाहामथाय होनाय जागोन नाथाय बेखौ दासिम एफडिएनिफ्राय कभिड-19 नि फाहामथायनि थाखाय गनायथि होयाखै। मोनसे भिडियआव ट्राम्पआ हवाइट हाउसआव बुंदोंमोनदि आं बाल्टर रीड देहा फाहामसालियाव फाहामथाय लानो थानोसै।

निउजिलेन्ड हादोरनि सुबुंफोरा अस्ट्रेलियाआव हाबनो हासिगोन

के नबरा, 3 अक्ट'बर: निउजिलेन्डनि सुबुंफोरखौ अस्ट्रेलियाआव हाबनायनि गनायथि होनाय जासिगोन। कभिड-19 नि जाहोनाव दावबायनायखौ होबथानायनि उननिफ्राय गिबि खेबे दरनै हादतफोरनि हारिमायारि सिमनाखौ खुलिनाय जासिगोन होन्नानै थानाय शुक्रबारखालि लेडाइ गाहाय मन्थि माइकेल मेककमेकआ फोसावदों। बेनि गेजेरजों बिबिसिआ अस्ट्रेलियानि ले डाइ गाहाय मन्थिनि फोरमायनायाव फोरमायोदि, अस्ट्रेलिया आरो निउजिलेन्डनि गेजेराव ट्रेवेल जनखौ जागायफिनो थाखाय जोबथा थांखि लानाय जाबाय। ले डाइ गाहाय मन्थिनि बायदिब्ला सिगां



दावबायनायाव निउजिलेन्डनि थागिबिफोरखौ सिमनानि गेजेराव लाखिनाय जागोन। बेरा फारसे निउजिलेन्डआव

अस्ट्रेलियानि नोगोरारिफोरनि हाबनो हानायनि थांखिया निउजिलेन्डनि गाहाय मन्थि जेसिन्डा आर्डर्नि सायाव

सोनारो। बेनि सिगां थानाय 28 सेप्टेम्बराव आर्डर्नआ बुंदोंमोनदि, बे बोसोरनि जोबजासिमाव अस्ट्रेलियानि

माखासे राइज्योफोर आरो निउजिलेन्डनि गेजेराव थालाय-फैलाया जागायनो हागौ। मख'नो गोनादि, फे गौ अक्ट'बरनिफ्राय निउजिलेन्डनि माखासे सुबुंफोरनो निउ साउथ वेल्स आरो नार्डर्न टेरिरीयाव दावबायनायनि गनायथि होनाय जागोन। बेयाव सौहैब्लाबो बिसोर क्वारेन्टाइन थानाय नडा। बे दावबायनायनि थाखाय निउजिलेन्डनिफ्राय बै सुबुंफोराल'गनायथि मोनगोन। जायफोरा कभिड-19 हट स्पट ओन्सोलाव थानाय 14 साननिफ्रायनो थाडखै। बेनि गेजेरजों अस्ट्रेलियानि सरकार बुडोदि, बिसोर सिमना गोनां दावबायनायनि थाखाय डीलखौ फाइनाल खालामबाय, नाथाय

निउजिलेन्डनि गाहाय मन्थि जेसिन्डा आर्डर्नआ बुडोदि, बिसोरनि हादतआ दासिमबो क्वारेन्टाइन थाया जासे दावबायनायनि थाखाय थियारि जायाखै। मख'नो गोनादि, आथिखालाव निउजिलेन्डआव सा 1848 इनफेक्सन केस दड आरो बेयाव सा 25 सुबुंफोर थैखांबाय। बेरा फारसे अस्ट्रेलियाआव दासिमाव 27 रोजा 96 सुबुंफोरा इनफेक्सन जाखांबाय आरो सा 888 सुबुंफोरा बे इनफेक्सनजों थैखांबाय। आमेरिकानि जन्स हपरिकन्स इउनिभासिडिनि बायदिब्ला हादत नाडै 3 कौटि 42 लाखनिखुडु बांसिन इनफेक्सन केसजों लोगोसे 10 लाखनिखुडु बांसिन सुबुंफोरा बे इनफेक्सनजों थैलांबाय।

अनलाइन क्लासआ मेगनजों लोब्बा गोनां जेनाफोरखौ 30 जौखोन्दो बारायहोबाय

भुपाल, 3 अक्ट'बर : लकडाउननि उननिफ्रायनो सरकारि आरो गावयारि फरायसालिफोराव जागानाय अनलाइन क्लासआ गथ'फोरनि देहायावबो गोहोम खोख्लैगासिनो दड। अदेबानि मबाइल आरो लेपटपआव बांसिन सम हगारनायाव मेगनजों लोब्बा गोनां जेनाफोरनि केसआ बारायबाय। मेगननिफ्राय दै गनायनिफ्राय लानानै बेयाव इनफेक्सननि केसआ बारायगासिनो दड। बेमार नायबिजिरग्रा जर'खाफोरा गनाययोदि, सिगाडव मबाइलआव गेम गेलेनाय आरो बांसिनै टिथि नाइनायनि जाहोनाव बेबायदि अजदफोरा फेदोंमोन, नाथाय अनलाइन क्लासनि उनाव गथ'फोरनाव मेगननि जेनानि केसा गासै 30 जौखोन्दोसिम बारायबाय। नाथाय आथिखालाव दा अनलाइन क्लासनि अनगायै गुबुन

राहा गैया, बेनिखायनो बे केसाव सांग्रां जानायनो बेनि गाहाय राहा लामा। बेनि गेजेरजों मध्य प्रदेश गथ'फोरनि मोन्थाइखौ नायसंग्रा आयगनि खाथियाव माखासे बिमा-बिफाफोरा अनलाइन क्लासनि समखौ खम खालामनो दाबि दैखांदों। बेनि उनाव आयगआ फरायसालि सोलौंथाइ बिफाननो बेनि सोमोन्दै लाइजाम लिहररो। बेनि बिदिन्थि महरै केस-1 आव दड; कटारा हिल्सनि थागिबि सुनेत्रा देनि फिसाज्जलाआ नैथि थाखोआव फरायो। बिनि अनलाइन क्लासआ 4 घन्टासिम सोलिगासिनो दड। बिनि मेगनाव सानाय आरो मोदैनि जेना सोमजिनानयनि उनाव डाक्टरजों परामर्श लानाय जाबाय। नैथि केसाआ हर्षबर्धन नोगोरनि थागिबि रुपाली साकसेनानि फिसाज्जलानि। बिसोरहा सानै फिसाज्जलाफोर दड

आरो देरसिन फिसाज्जलाया 11 थि थाखोयाव फरायो। बिहा अनलाइन क्लास आरो कसिं क्लास सोलिगासिनो दड। बिनि मेगनाव मोदै गनायनि उनाव डाक्टरआ बिनो चरमा होबाय। अदेबानि मेगनाव जेना सोमजिनानयनि जाहोनाव-खाथिनिफ्राय स्क्रीन नायनायनि जाहोनाव नोजोरा लोरबां जानो हमदों।

स्क्रीन रेडिएसननि जाहोनाव माखासे जेनाफोर सोमजिगासिनो दड।

मोन्नैबो मेगननि मोदोमआ लोरबां जादों।

मोखैबैनि जाहोनाव मेगननि दैया रानलांदों।

सानराइजार्स हाइद्राबादआ आइपिएलनि गुबुन मोनसे मेचखौ देरहादों

दुबाइ, 3 अक्ट'बर: इउनाइटेड आरब इमिरेट सुंदरै इउएइ हादतआव दासान्दि सोलिबाय थानाय 13 थि सिजननि आइपिएल मेच गेलेनायाव गुबुन गुबुन हान्जाफोरनि गेजेराव फारियै सोलिबाय थानाय नुनो मोन्दों। लोगोसे गोखौंसिन गेलेनो हानाय हान्जाफोरनि मेच देरहानायखौबो नुनो मोन्दों। थानाय हरनि समाव गेलेनाय आइपिएलनि गुबुन मोनसे मेचखौ सानराइजार्स हाइद्राबाद हान्जाया सोमोनांथावै 7 राननि फारगथिआव चेन्नाइ सुपार किंस हान्जाखौ गोब्राबजों फेजेन्तो हायो।

मख'नो गोनांदि आइपिएलनि गेलेनाय जारिमिनआव चेन्नाइ सुपार किंस हान्जाखौ थानाय 2014 माइथायनि उनाव फारियै मोनथाम मेचआव फेजेन्तो हादों हाइद्राबाद हान्जाया। डेभिद वानार्नि दैदेन्नायाव सानराइजार्स हाइद्राबादआ टसआव देरहानां सिगां बेटि खालामनो सायख'ना लायो आरों गेलेनायाव हान्जानि



लाइमोन बेटसमेन प्रियम गार्गआ गोखौं गेलेनां 51 रानखौ खालामनो हादों। अदेबानि गार्गनि हाफ सेन्सुरि खालामनाय राननि हेफाजाबजों हाइद्राबाद 20 अभाबआव मोन 5 उइकेट खोमानां गासै 164 राननि टार्गेटखौ बेरेखा हान्जानो हानो हायो। बे राननि फिनायाव महेन्द्र सिं धनीनि दैदेन्नाय चेन्नाइ हान्जाया एसेल' राननि टार्गेटखौ रुजुनो हायैनि जाहोनाव 20 अभाबआव गासै 157 रानखौल

धनीआ 36 बलआव 47 रानखौ खालामनो हानायजों हान्जाया 157 रानसिम सौहेनो हादोंमोन। चेन्नाइ हान्जाया सोलिफु आइपिएलनि गेलेनायाव बेखेवजेन्नाय मेचखौ मुम्बाइ इन्डियान्सनि हेथायै देरहानो हानायनि उनाव गेलेनाय मोन 3 मेचखौ फारियै जेनजोबनो गोनां जानायजों दासान्दि पइन्ट फारिलाआव गाहाय सारिआवसो थालांदों।

बे मेचआव चेन्नाइ हान्जानि गेलेजेन्नाय समावनो मिर्जिथिजानाय बायदि रान खालामनो हानायखौ नुनो मोनाखै। जेराव 42 रान खालामनायावनो हान्जानि सा 4 गोखौं गेलेगिरिफोर सेन वाटसन, डुप्लेसिस, अम्बाति राइडु आरों केडार जादबआ आउट जानो गोनां जादोंमोन। बेबायदिनो महेन्द्र सिं दैदेन्नाय हान्जानि गेलेनायखौ बे सिजननि आइपिएलआव लोरबां जानाय नुनो मोन्दों।

गोदान दिल्ली, 3 अक्ट'बर: भारतनि आइजो हकी हान्जाया थानाय माखासे दाननिफ्रायनो जेबो क्रिकेट गेलेनो हायाखैब्लाबो नाथाय दिने फोसावनाय आइसिसिनि गोदान फारिलाइयाव रेंकिनि 3 थियाव जायगा लानो हादों। भारतनि सिगां सारिआव अस्ट्रेलिया हान्जाया रेंकिनि सेथि आरों इलेन्ड हान्जाया 2 थियाव जायगा लानो हादों। बेफोर मोनै हान्जाया 291 आरों 280 पइन्टखौ लानो हादोंमोन। गुबुन फारसेथि भारतनि आइजो क्रिकेट हान्जाया 270 पइन्टखौ लानो हादों। मख'नो गोनांदि सोलिफु बोसोरनि थानाय 6 दाननि सिगां गेलेनाय आइसिसि टि-20 क्रिकेट वर्ल्ड कापआव भारतनि आइजो क्रिकेट हान्जाया फाइनालसिम गेलेहेनो हानायनि थाखायनो रेंकिनि 3 थि सारिआव जायगा लानो हादों। गुबुन फारसेथि आइसिसिनि सुलुज मिथि होनाय बायदिब्ला



भारतनि उनाव निउजिलेन्ड हान्जाया 269 पइन्टजों 4 थि जायगाखौ आवग्रिनो हादों। बेजों लोगोसे ब्राजिल आइजो क्रिकेट हान्जायाबो 27 निफ्राय 11 थि सारिआव जायगा लानो हादों। मालिसिया क्रिकेट हान्जायाबो रेंकिनि 38 निफ्राय 31 फेनो हादों। बेनि उनाव इन्ड'निसिया, आमेरिका आरों सामवा आइजो क्रिकेट हान्जायाबो गोदानै फोसावनाय

रेंकिआव एसे एसे आवगायनो हादों। गुबुन फारसेथि डेनमार्क आरों बेलजियाम आइजो क्रिकेट हान्जाया थानाय 2017 माइथायनि अक्ट'बर दाननिफ्राय 11 थि सारिआव जायगा लानो हादों। सारिजफोरखौ गेलेयैनि जाहोनाव रेंकिनिफ्राय गाहाय सारियावनो थानांदों। भारतनि आइजो क्रिकेट हान्जाया थानाय सारियाव जायगा लादों।

सिजननि गेलेनायाव गोखौं खालामनो हासिननायजों आइजो क्रिकेट वर्ल्ड कापआव फाइनालसिम गेलेहेनो हानायजों रेंकिआव गोबां सोलायनाय लाबोनो हादों। एसिया हादतनि गेजेराव श्रीलंका, पाकिस्तान, बांग्लादेश हान्जायाबो भारतनि गाहाय सारियाव जायगा लादों।

आइपिएलआव महेन्द्रसिं धनीआ बयनिखुइबो बांसिन मेच गेलेनाय क्रिकेटर

दुबाइ, 3 अक्ट'बर: दासान्दि हादतनि बाइजोआव सोलिबाय थानाय इन्डिया प्रिमियर लीग सुंदरै आइपिएलनि मेचफोरखौ गेलेबाय थानायनि गेजेरजों चेन्नाइ सुपार किंस हान्जानि केप्टेन महेन्द्र सिं धनीआ आइपिएलआव बयनिखुइबो बांसिन मेच गेलेनो हानाय क्रिकेटर जाबाय। मैया थानाय हरनि समाव आइपिएलनि मोनसे मेचखौ सानराइजार्स हाइद्राबादनि हेथायै गेलेनायजों बनि गेलेनाया रेकर्ड जायो। धनीनि उन उन हान्जानि गेलेगिरि सुरेस रैनायाबो बांसिन गेलेनाय फारिलाइयाव जायगा लादों। नाथाय सुरेस रैनाया बे खेबनि आइपिएलआव गावआरि जाहोनिन थाखाय बाहागो लायाखै। मख'नो गोनांदि, महेन्द्र सिं धनीआ



आइपिएलआव मोन 194 मेचफोरखौ गेलेखांबाय। बेनि गेजेरजों मुलुगनि गेजेरावनो क्लाब थाखोनि टि-20 क्रिकेट टुर्नामेन्टआव बांसिन मेच गेलेनाय क्रिकेटर महेर मिथिजायो। धनी आरों रैनाया थानाय 2008 माइथायव आइपिएलनि मेच गेलेनायखौ चेन्नाइ सुपार किंस हान्जानि जानां जागायजेन्दोंमोन। बेनि उनाव 2016-17 नि आइपिएलनि गेलेनायखौ दोन्थाखे। मानोना आइपिएलआव चेन्नाइ हान्जाया मोनै सिजननि थाखाय होबथा जानायजों धनीआ राइजिं पुने सुपार जयेन्स हान्जानि जानां गेलेयो। गुबुन फारसेथि सुरेस रैनाया गुजरात लायन्सनि जानां गेलेदोंमोन।

लिभारपुलनि फरवाइ सादिय' मानेनिनि देहायाव कभिड-19 पजिटिभ



जामान, 3 अक्ट'बर: लिभारपुल क्लाबनि जानां थानाय सिजननि गुबुन गुबुन फुटबल बादायलायनायफ्राव गोखौं फर्मजों गेलेनो हाबोनाय फरवाइ सादिय मानेनि नि देहायाव टेस्ट खालामनायनि गेजेरजों कभिड-19 पजिटिभ केसखौ मोन्दों।

मख'नो गोनांदि, प्रिमियर लीगनि सेमियन जानाय हान्जा लिभारपुलनि गेलेगिरि सादिय' मानेनि देहायाव पजिटिभ मोन्यायजों बे सोलिफु सप्ताहयाव सानै गेलेगिरिनि देहायाव पजिटिभ केसखौ मोन्दों। लिभारपुल क्लाबनि बिबानगिरि सुलुआ मिथि होनाय बायदिब्ला शुक्र बारखालि सेनेगालनि गेलेगिरि सादिय मानेआ गोखौं गेलेनायजों गल होनो हानां लिभारपुल क्लाबखौ 3-1 गलनि फारगथिआव आर्चैनालनि हेथायै देरहा होदोंमोन। देहायाव भाइरसनि एसे लैखोनखौ मोन्दांथिनाय लोगो लोगो बिखौ दासान्दि फाहामथाय होनायनि राहा खालामनाय जादों। थानाय मंगलबारखालि लिभारपुल क्लाबजों गोदानै गेलेनो गोरोबथा जानाय मिडफिल्डर टियाग' अलकन्टारनि देहायाव टेस्ट खालामनायनि गेजेरजों पजिटिभ केसखौ मोनो हादोंमोन। बिनि

उनावनो गुबुन सासेबाव हान्जानि गोखौं गेलेगिरि सादिय मानेनि देहायाव पजिटिभ रिपर्टखौ मोनो आरों बिसोरखौ दासान्दि फाहामथायनि थाखाय थिसन्नाय जादों। लोगोसे लिभारपुल क्लाबनि गासै बो गेलेगिरिफोरखौ प्रटकल मानिनां सोलिनो थाखाय बिथोन होदों आरों गेलेगिरिफोरखौ आइसलेट खालामनाय जादों होन्नां क्लाबनि बिबानगिरि सुलुआ मिथि होयो।

पेरिस, 3 अक्ट'बर: दासान्दि फ्रान्स हादतनि पेरिसआव सोलिबाय थानाय फ्रेंस अपेन ग्रेन्डस्लेमनि 3 थि राउन्डआव सौहेनो हाबाय मुलुगनां रेंकिनि सेथि गेलेगिरि नभाक जकभिसआ। साबियायनि गोखौं गेलेगिरि नभाक जकभिसआ 2 थि राउन्डनि मेचआव गेलेगिरि रिकार्डसखौ गासै 6-1, 6-2, 6-2 सेट पइन्टआव गोरलैयैनो फेजेन्तो हादोंमोन। बे मेचखौ देरहानो थाखाय नभाक जकभिसआ गासै 1 घन्टा 23 मिनिट सम गेलेनो गोनां जादोंमोन। लोगोसे जकभिसआ ग्रेन्डस्लेमनि गेलेनाय जारिमिनआव दासिम 70 थि मेचखौ देरहानो हानायजों सुइजारलेन्डनि गेदेमा टेनिस गेलेगिरि रजार फेडाररनि देरहानाय रेकर्डजों समान समान खालामनो हायो। गुबुन फारसेथि नभाक जकभिस आरों रजार फेडारर बिसोर सानैनि सिगाडाव स्पेइनिन राफेल नाडालआ 95 मेचखौ देरहानो



हानां बयनिखुइबो सिगां सारिआव जायगा लानां डेडा। मेचखौ देरहानां वेबसाइडनि गेजेरजों जकभिसआ फोरमायनाय बायदिब्ला ग्रेन्डस्लेम टेनिस टुर्नामेन्टनि गेलेनायाव गोबां मेच देरहानाया जोबोद सोमोनांथाव आरों ऑनि गेलेनायनि सायाव आं गोग्गनाय आरों गोजोनाय

मोन्दों होन्नां बुडो। लोगोसेयैनो गावनि गेलेनायखौ ग्रेन्डस्लेमआव बांसिन मेच देरहानो नाजागोन होन्नां बुंवावो। जकभिसआ फेडारर आरों राफेल नाडालखौ थानाय 10-15 बोसोराव बिसोर सानै गेलेगिरिआ नायग्रा अन्सायारिफोरनि गेजेराव गोखौं गेलेगिरि जाबोनो हादों।

गुबुन फारसेथि फ्रेंस अपेननि आइजोफोरनि गेलेनायाव रमानियानि गेलेगिरि सेमना हालेफआबो क्वार्टर फाइनालआव सौहेनो हाबाय। बेनि सिगां गेलेनाय प्रि क्वार्टर फाइनाल मेचखौ सेमना हालेफआ आमेरिकानि लाइमोन गेलेगिरि अनिसिमभाखौ गासै 6-0, 6-1 सेट पइन्टआव फेजेन्तो हायो। सिमना हालेफआ थानाय 2018 नि फ्रेंस अपेनखौ देरहानो हानां गावनि गेलेनाय केरियारआव गिबि खेब ग्रेन्डस्लेमखौ देरहानो हादोंमोन। क्वार्टर फाइनाल मेचखौ हालेफआ पलेन्डनि गेलेगिरि इगानि हेथायै मोगा-मोगि गेलेगोन। बेजों लोगोसे मुलुगनां रेंकिनि 3 थि सारिआव जायगा लानां गेलेनाय इउक्रेइनि इलिनयाबो 4 थि राउन्डआव सौहेनो हादों। इलिनयाया प्रि क्वार्टर फाइनाल मेचखौ रासियानि गेलेगिरि इक्टारिनि हेथायै गासै 6-4, 7-5 सेट पइन्टआव देरहानो हादों।

आर्चैनालआ लीग कापनि क्वार्टर फाइनालआव सौहेबाय

लन्डन, 3 अक्ट'बर: सोलिफु सिजननि गेजेराव कभिड-19 महामारिनि जाहोनाव फुटबल गेलेनायफोरखौ थि समावनो खुंनो हायाखैब्लाबो नाथाय दासान्दि मुलुगनि क्लाबफोरनि गेजेराव गुबुन मोनसे गिदिर फुटबल बादायलायनाय लीग कापनि गेलेनाया सोलिबाय थानायनि गेजेरावनो गुबुन मोनसे गेलेनाय मेचखौ पेनाल्टिनि हेफाजाबजों देरहानो हादों आर्चैनाल क्लाबआ। मिथिनाय बायदिब्ला लीगनि प्रि क्वार्टर फाइनाल मेचखौ आर्चैनाल क्लाब आरों लिभारपुल क्लाबनि गेजेराव 90 मिनिटसिम गल होलायनो हायैजों मेच रेफारिआ पेनाल्टिनि हेफाजाब लानांगौ जायो। जाहोनाव आर्चैनालनि सा 5 गेलेगिरिफोरा पेनाल्टिआव गल होनो हाजोबनायजों बे मेचखौ 5-4 गलआव लिभारपुल क्लाबखौ फेजेन्तो हायो। मख'नो गोनांदि, बिनि सिगां थानाय समबारखालि गेलेनाय प्रिमियर लीगनि मेचआव



लिभारपुल क्लाबआ आर्चैनालखौ 3-1 गलनि फारगथिआव फेजेन्तो हादों। नाथाय लीग कापनि गेलेनाय मेचआव पेनाल्टिनि हेफाजाबजों आर्चैनालआ मेचखौ देरहानां लिभारपुल क्लाबनि हेथायै देरहानां खिथेर लाफिन्नो हादों। बे मेचखौ देरहानां आर्चैनालआ लीग कापनि क्वार्टर फाइनालआव सौहेनो हाबाय। मेच गेलेनाय समाव आर्चैनाल क्लाबनि सासे गेलेगिरि एवा जेम्स मिलनारनि आखाइयाव बल नांनानै पेनाल्टिनि खाबुखौ लिभारपुल क्लाबआ गोबां दाबि खालामदोंमोनब्लाबो नाथाय मेच रेफारि केभिनआ भिएआरनि जेबो हेफाजाब होयाखै जायनि जाहोनाव बे मेचआ 90 मिनिटसिम डू जायो आरों पेनाल्टिआव आर्चैनालआ देरहानो हायो। गेलेनाय समाव लिभारपुल क्लाबआ 44 मिनिटआव गल होनो साबसिन खाबु मोन्यायखौ फेलें खालामनां लानायावनो जेन्नायनि गुबै जाहोन जादों।